

M326: Passional (A)

- 1,1 von vnſer vrouwen wunðe NV horet alle die hie ſin
1,2 Vfdaz vch di kvnigin
1,3 Di edele vn̄ di vrie
1,4 Gotes mvter marie
1,5 Mvge deſte baz behagen
1,6 So wil ich hi von ir fagen
1,7 Ir zv lobe vns zv vrumen
1,8 als ich mīt warheit han v̄nvm̄en
1,9 Svmeliche gute mere
1,10 Dar an di lobebere
1,11 Rechtes lobes wol ift wert
1,12 In dem h̄zen daz ir gert
1,13 Zu ein̄em vor ſprechen dort
1,14 Ir habet alle wol gehort
1,15 Daz ſi vier tage hat
1,16 Di man mīt viere begat
1,17 In des iares v̄mevart
1,18 Der tac do ſi geborn wart
1,19 Der wart zv iungeſt v̄f geleit̄
1,20 Von der reīnen criftenheit
1,21 Nv horet wi ſich daz erhub
1,22 als ich ſin an dem mere entfub
1,23 Ez was ein reīner guter man
1,24 Der hete ſich genvmen an
1,25 In alle ſime lebene
1,26 Daz er ie vil ebene
1,27 Sich von d̄ valſchen werlt enzoch
1,28 Vn̄ an vnſen herren vloch
1,29 an des gebetes innekeit̄
1,30 Sin h̄ze dicke was zv ſpreit
1,31 an des geiſtes weide
1,32 D̄ werlde lieb noch leide
1,33 Enkonde in bringen nicht da von
1,34 Des er mīt gote was gewon
1,35 Wand er mīt kv̄ſchen mvte
1,36 In rechter demvte
1,37 V̄f got was geneiget gar

- 1,38 Nv vugete fīchz alle iar
 1,39 Immer als di zit gelac
 1,40 Daz nv ift vnser vrouwen tac
 1,41 In dem fī zvr werlde quam
 1,42 Der felbe gute man v̄nam
 1,43 In grozer fuzekeīt dar obe
 1,44 an vnfers lieben h̄ren lobe
 1,45 Von engeln lvftlichen fānc
 1,46 Ð̄ im mīt fulchem done erclanc
 1,47 Daz ergevreut des fere wart
 1,48 Ie nach des iares v̄mevart
 1,49 Horte er di ftīme· v̄n anders nīcht
 1,50 Durch di felben gefchicht
 1,51 V̄n dvrch des wunders gebot
 1,52 Bat er getrulich got
 1,53 Daz er im erfcheīnte
 1,54 Waz dīrre fānc meīnte
 1,55 Der im mīt fulcher vreudē fchal
 1,56 Ie des iares erhal
 1,57 aller fvzekeīte vol
 1,58 Sīn wille wart ervullet wol
 1,59 Wand im quā eīn reīner bote
 1,60 Eīn engel gefant von gote
 1,61 Der lieplichen fprach zv im
 1,62 “Guter man nv v̄nīm
 1,63 Ich fal machen dir bekant
 1,64 Dar nach din wille was gewant
 1,65 Waz der gefānc meīne
 1,66 Marīa di vil reīne
 1,67 Di edele di demvte
 1,68 Di fchone v̄n di gute
 1,69 Di crīstes mvter· was erkorn
 1,70 an dem tage wart geborn
 1,71 Der crīftenheīt zu eīner wer
 1,72 Des vreut fīch allez hīmelīfch her
 1,73 In der edelen vrouwen lobe
 1,74 Vor irme lieben fvne dar obe
 1,75 Diz faltu offenbaren
 1,76 Daz man in allen iaren
 1,77 [I]n der crīftenheīt bege
 1,78 Den tac· fwēne er ouch entfte
 1,79 Daz alfo hīmel vnd erde
 1,80 Wol eīntrechtic werde
 1,81 Glich· vnd vn̄houwen
 1,82 an dem lobe der vrouwen
 1,83 Di wert ift aller werdekeīt”
 1,84 Swaz dem māne wart gefeīt
 1,85 Daz fagete er vurbaz zvphant

1,86 Dem pabeste machte er ez bekant
 1,87 Vñ andern guten luten
 1,88 Sin wort vnde fīn beduten
 1,89 Entpfienge sie vil ebene
 1,90 Wand er an fīme lebene
 1,91 Mit vil grozer heilikeit
 1,92 Ein bilde gab der warheit
 1,93 Der pabest vñ die gelarten
 1,94 Iren fīn do karten
 1,95 allen enden in di schrift
 1,96 Vñ vunden in der alden stift
 1,97 als ouch geschriben was da vorn
 1,98 Wi an dem tage wart geboren
 1,99 Di edele ivncvrouwe gut
 1,100 Sus viel dar uf ir aller mut
 1,101 Daz der tac ein vire wart
 1,102 Von der zit vntz vurwart
 1,103 Den die cristen lute
 1,104 Begen mit vreuden hute
 1,105 Vñ eren dran marien
 1,106 Di edeln wandels vrien
 1,107 Sus fal von rechte immer fīn
 1,108 Gelobet des himels kvnigin

2,1 Ez was ein edele vrouwe
 2,2 Di mit genaden touwe
 2,3 Von gode also begozze wart
 2,4 Daz si in tugentlicher art
 2,5 Ires hēzen liebe scharf
 2,6 Grozlich vf vnse vrouwe warf
 2,7 Vf marien di kvnigin
 2,8 Ir liebe wart daran wol schin
 2,9 Di si zv marien truc
 2,10 In grozer hitze genvc
 2,11 an tugentlicher snelle
 2,12 Si liez ir eine capelle
 2,13 Vor irme hufe machen
 2,14 Mit erlichen fachen
 2,15 Wart di geziert ordenlich
 2,16 Di vrouwe vn̄dwant sich
 2,17 Daz ir was gentzlich vn̄dtan
 2,18 Capelle vnde capellan
 2,19 Daz was ir wille vñ ir gebot
 2,20 Dvrch marien vñ durch got
 2,21 als in ir liebe was ergraben
 2,22 Daz si wolde alle tage haben
 2,23 Eine messe von marien
 2,24 Die edeln vñ di vrien

- 2,25 Lobete fi alfus da mīde
2,26 Der vīl tugentliche fite
2,27 Werte an ir lange vñ lanc
2,28 In des iares hīneganc
2,29 Do der kvnigīne tac
2,30 In rechter maze gelac
2,31 Daz marīa di gute
2,32 In grozer demute
2,33 Ir kīnt in den tempel truc
2,34 als man mīt vreuden genvc
2,35 In der reīnen crīstenheit
2,36 Die liecht zv den kīrchen treīt
2,37 Daz liechtmeſſe iſt genant
2,38 Do wart der vrouwen erwant
2,39 Ir meſſe an vngemache
2,40 Ez *vu*gete not ſache
2,41 Daz ir priſter dannen was
2,42 Vñ ir nīman ſanc noch las
2,43 Di meſſe als fi was gewon
2,44 Di edele vrouwe truc da von
2,45 In ir vīl groz vngemach
2,46 Durch daz mā fi betrubet fach
2,47 Wand ir di ſache ir vreude nam
2,48 In ir capelle fi quam
2,49 Mit grozer andacht fi daz tet
2,50 Vñ viel mit leide an ir gebet
2,51 Si clagete weīnde ſere
2,52 Daz fi der grozen ere
2,53 Des heīligen tages ſolde entwefen
2,54 Vñ weder fingen noch leſen
2,55 Di meſſe ſolde horen
2,56 Dīz mvſte ir vreude ſtoren
2,57 In alles hīzen mvte
2,58 Secht wa got der gute
2,59 Liez offenlichen ſchouwen
2,60 an der ſelben vrouwen
2,61 Daz er nīcht vngelonet lat
2,62 ſw ſīne mvter lieb hat
2,63 Di vrouwe wart entrucket hīn
2,64 Von gote in eīnē vremden ſīn
2,65 Der ir herze erluchte
2,66 Di vrouwe do beduchte
2,67 Wi fi in eīn mvnſt quam
2,68 Dar abe fi vil vreuden nam
2,69 Daz mvnſt was gezieret
2,70 Wol undernīeret vñ dordenīeret
2,71 an tiefer liſtkvnder art
2,72 Di vrouwe bracht darīn wart

2,73 an eine wol gezierte stat
2,74 Secht wi zvr tvr in trat
2,75 als si begonde schouwen
2,76 Vil schoner iuncvrouwen
2,77 Wol geordent was ir ganc
2,78 Idoch vor in allen swanc
2,79 Ein iuncvrouwe also luftsam
2,80 Daz di vrouwen wundt nam
2,81 Irre vnmazen clarheit
2,82 Si was kuniclich becleit
2,83 In aller reicheit genve
2,84 Vf irme houbte si truc
2,85 Ein wol luchtende crone
2,86 Sie quamen alle schone
2,87 Vn satzten sich nach ir recht
2,88 In der kirchen zilecht
2,89 als sie ir ordenvnge twanc
2,90 Dar nach nicht vber lanc
2,91 So sicht si aber dringen
2,92 Eine schar von iungelingen
2,93 In durch di kirchtvr
2,94 Sie quamen alle her vur
2,95 In daz mvnst ordenlich
2,96 Vn satzten zuchtlichen sich
2,97 Wand in wol gestulet was
2,98 In den gotes palas
2,99 Wart do vil bvrnder kerze bracht
2,100 In harte grozer andacht
2,101 Gab ma ein liecht d vrouwe h[in]
2,102 Di zvm ersten vor in
2,103 Was in den tempel getreten
2,104 als sie daz getan heten
2,105 Vn di vrouwe lobesam
2,106 Ir liecht in ir hant genam
2,107 Ir kerzen man alme gab
2,108 Vntz an daz ende hin ab
2,109 Daz da niman inne was
2,110 In des mvnsters palas
2,111 Er enhete ein liecht in der hant
2,112 Obene harte schone entprant
2,113 ane di vrouwe alleine
2,114 Do quam ouch ir eine
2,115 Vn gab der vrouwe ein liecht
2,116 Vfdaz si hete mitepflicht
2,117 an der hochzit diz geschach
2,118 Dar nach di vrouwe aber sach
2,119 Wi mit schonen vugen
2,120 zwene zwei licht trugen

- 2,121 Daz éine was laurencíus
 2,122 Daz andere víncencíus
 2,123 Nach dē quamē zwene man
 2,124 Die sích heten an getan
 2,125 als noch hute ín hochzít
 2,126 Dyaken vñ fubdyaken pflit
 2,127 Vñ zv dem amte fuln lefen
 2,128 Die duchtē síe zwene engele weſe[n]
 2,129 nach den quā mít zierheít
 2,130 Eíner pfeſſich becleít
 2,131 Sie duchte *ez were criftus*
 2,132 nv díſe qu[amen] [alle] [fus]
 2,133 Vntz hín [vur] [d]en a[ltare]
 2,134 Do erhub [man] offenbare
 2,135 Des tages fanc [v]ñ fín amt
 2,136 Swaz ir daríne was gefamt
 2,137 [D]ie fvngen alfo ſchone
 2,138 [D]az von fulchem done
 2,139 Di vrouwe groze vreude entphie
 2,140 Daz amt vaſte híne gie
 2,141 Biz zv dem opfer fange
 2,142 Do quā an ſchonē gange
 2,143 als daz opfer folde fín
 2,144 Di gecronte kvnígín
 2,145 Hín vor den priſter· da ſi
 2,146 Vntz vf die kníe sích níder lie
 2,147 Vñ opferte ím daz kerzen licht
 2,148 Mit tvgentlicher zv pflicht
 2,149 als ſi wider hín getrat
 2,150 Da ſi e· was an ir ſtat
 2,151 Eín ieglich zv dem alter quā
 2,152 als der gewonheit wol gezam
 2,153 Da er der kerzen sích v̇zech
 2,154 Di man im da vor lech
 2,155 Sie begonden alle ſchouwen
 2,156 Dort nach iener vrouwen
 2,157 Ob ſi queme· oder nicht
 2,158 Vñ wolde ouch opfern ir licht
 2,159 Ð priſter der des amtes wielt
 2,160 Nach der vrouwen sích enthielt
 2,161 alfo daz er nicht vurbaz fanc
 2,162 Diz werte lanc vnde lanc
 2,163 Daz doch di vrouwe nícht enquā
 2,164 Do daz di kvnígín v̇nam
 2,165 Daz ir beítte gar die rote
 2,166 Do wart da hín gefant eī bote
 2,167 Von der grozen kvnígín
 2,168 “Ganc” ſprach ſi· “ſi mac wol fín

2,169 als ein gebv́rín gemvt
2,170 Dem fī nv gliche tut
2,171 Vn̄ zv dem opfer nīcht enquā
2,172 Sit der prifter lobefam
2,173 Ir beitet· also lange dort”
2,174 Der bote warb fīne wort
2,175 Zu der vrouwē vmez licht
2,176 Si sprach· “des engebe ich nīcht
2,177 Wil der prifter fīngen
2,178 Vn̄ daz amt volbringen
2,179 Nach dem rechte vf fīn zil
2,180 Daz mac er tvn ob er wil”
2,181 Di kvnīgín ir aber enpot
2,182 Des liechtes were ir vnnot
2,183 Daz fī ez zvm opfer brechte
2,184 Vn̄ dar an gedechte
2,185 Wi ir der prifter beitte
2,186 Vn̄ daz amt nicht enleitte
2,187 als er folde vffez ort
2,188 Da was aber der vrouwē wort
2,189 als ez da vor was gewefen
2,190 “Er mac fīngen oder lefen
2,191 Swi im daz felber wol behage
2,192 Min liecht ich im nicht entrage
2,193 Nach mīnes hzen wale”
2,194 Zv dem dritten male
2,195 Enpot da hin di vrouwe
2,196 “Ganc” sprach fī “vn̄ schouwe
2,197 Ob fī noch an den fāchen
2,198 Ein ende wolle machen
2,199 Vn̄ daz liecht her brengen
2,200 Wil fī ez aber lengen
2,201 So nim daz liecht mīt gewalt
2,202 Des dv ir nicht lazen fālt”
2,203 Der bote quam aber dar
2,204 Vn̄ nam ir mīt rede war
2,205 Ob fī noch wolde volgen
2,206 Si wart im des erbolgen
2,207 So gentzlich daz fī hielt ir licht
2,208 Vn̄ gab im da von nichtefnicht
2,209 Der bote ouch nicht blibē liez
2,210 als in fīn vrouwe tvn hiez
2,211 an daz liecht die hende er fluc
2,212 Di vrouwe im nichtefnīcht v̄truc
2,213 Wand fī sich vafte hielt in hart
2,214 Der ftrit lange an in gewart
2,215 Wand fī im crieges nicht entvloch
2,216 Iener zoch. di vrouwe zoch

2,217 Nach des lîten crieges lîten
2,218 Di kerze brach al ín mîten
2,219 Daz fi ir halb bleib ín der hant
2,220 Hi mîte was ir crîec volant
2,221 Di vrouwe zv ir felber quam
2,222 Mit rechter warheit fi v̄nam
2,223 Daz fi got beruchte
2,224 V̄n mit genaden fuchte
2,225 Der fele zv gelucke
2,226 Si vant daz halbe stücke
2,227 Der kerzen noch ín irre hant
2,228 alle ir truren was volant
2,229 Dvrch fulcher vreuden gebot
2,230 Si lobte den guten got
2,231 V̄n di heiligen mvter fîn
2,232 Marien di kvnîgîn
2,233 Vmb di fchone geschicht
2,234 Mit aller tugende zvpflicht
2,235 Diente fi ir baz dan e-
2,236 Swem da was vō gefuchte we
2,237 Dem wart fîn leit gar benvmen
2,238 Ob er dar zv mochte kvmen
2,239 Daz ín daz kerzen stücke
2,240 Berurte zv gelucke
2,241 So mochte er wol gefvnt fîn
2,242 Des fi gelobet di kvnîgîn

3,1 BOnífacíus ein pabest was
3,2 als ich vō im gefchriben las
3,3 D̄ zv rome ín der stat
3,4 an vil genaden vf trat
3,5 V̄n ein tempel der abgote
3,6 Nach rechter tugende gebote
3,7 In ein gotes tempel karte
3,8 als ín fîn wifheit larte
3,9 Wand er genaden was gevult
3,10 als ir her nach horen fult
3,11 Wan vns di zit kvmt an ir recht
3,12 Do mā den felben gotes knecht
3,13 Des stules pflegen zv rome fach
3,14 Bî fînen zîten geschach
3,15 Daz zv rome ín der stat
3,16 Der iuden crîec fere vf trat
3,17 Kegen der reînen criftenheit
3,18 Wand fie waren alda breit
3,19 V̄n ein teil groz ir gewalt
3,20 Hi von wurden fie fo balt
3,21 an ir verkarten liften

- 3,22 Daz sie die godes criften
3,23 Velfcheten swa sie kvnden
3,24 Dar vf sie begvnden
3,25 Mit rede buwen hi vñ da
3,26 Sie sprachen daz maria
3,27 Do si cristum gebere
3,28 Nicht kvfch ein maget were
3,29 Ioseph der were ir recht man
3,30 "Nv fecht" sprachen sie "dar an
3,31 Daz ein ieglich mēsche vbirt
3,32 Swaz vō nature nicht gewirt
3,33 Natürlich ganc let dar abe
3,34 Daz ein ivncvrouwe eikint habe
3,35 Vñ des blibe kvfch dar na"
3,36 Die criften sprachen ifa
3,37 Zv in daz der groze got
3,38 al vollen hat des gebot
3,39 Daz er in sine hoen lobe
3,40 Si der naturen obe
3,41 Dar vz er machet swaz er wil
3,42 Sie bezvgeten ez vil
3,43 Mit propheten vñ wiffagen
3,44 Die es bekanten bi ir tagen
3,45 Vñ hiezen sie daz fuchen
3,46 In ir selbes buchen
3,47 Da stvnt ez werlich geschriben
3,48 Die iuden idoch stete bliben
3,49 Vñ liezen sich nicht biegen
3,50 Von ir valfchen criegem
3,51 Swi man in dicke wiß trat
3,52 nv was ein blinder in der stat
3,53 Von finer mvter blint geborn
3,54 Dem was dirre criec zorn
3,55 Svmeliche fagen mere
3,56 Daz er ein iude were
3,57 Wir lazen in sin wer er was
3,58 Er was ie blint als ichz las
3,59 Idoch hete er von kīdes iugent
3,60 als noch die blīdē vil wol mvgent
3,61 Gelernet vzen di schrift
3,62 Sines hīzen wīfe grift
3,63 [I]n den grvnt so vñ brach
3,64 Daz er offenlichen sprach
3,65 als di schrift hat gefaget
3,66 Maria were ein kvfche maget
3,67 Vñ hete an rechter kvfcheit
3,68 Cristvm an finer menscheit
3,69 Mit vreuden zv der werlde bracht

3,70 als fīn von gote was gedacht
3,71 Der ez nach willen geſchuf
3,72 Do wart ein hvcen vñ ein ruf
3,73 Kegen im von allen iuden
3,74 als ein tier von den ruden
3,75 Wart er an gebollen
3,76 “Din lib iſt bewollen”
3,77 Sprachen ſie “dv blinder
3,78 Dv macht wol treten hinder
3,79 Wand dv in fvnden biſt geborn
3,80 Vñ darinne haſt vlorn
3,81 Die ougen der naturen
3,82 Dv foldeſt billich truren
3,83 Der ordenvnge miſſetrīt
3,84 Hat dir vſchrenket die gelit
3,85 Vñ von fulcher vngewalt
3,86 Biſtu nīcht als ei mēſche geſtalt
3,87 Vollenkvme an den geliden
3,88 Dv foldeſt billich han v̄miden
3,89 Gein vns heben dīnen cric
3,90 Ganc zv huſe vñ fwic
3,91 Wand dir miſſelvngen iſt
3,92 Dīn maria vñ dīn crift
3,93 Hey wi verre ſie dir ſint
3,94 Dv biſt ir knecht· vñ biſt blint
3,95 Dv lobeſt fere marien
3,96 De kan dich nīcht gevrien
3,97 Von dīner blindeclichen clage
3,98 Hi von vns nīmer nīcht ſage
3,99 Von ir tugentlichen macht”
3,100 Do wart der blinde dar zv bracht
3,101 Daz er begonde buwen
3,102 Vf got· vñ im getruwen
3,103 Daz er in folde loſen
3,104 Von diſen Worten boſen
3,105 Dvrch ſiner mvter willen
3,106 Die iuden wolde er ſtillen
3,107 Die nv waren alzu geil
3,108 “nv horet” ſprach er “mich ein teil
3,109 Waz ich offenlich vch ſage
3,110 Her nach an dem drittē tage
3,111 So fult ir alle vil wol ſehen
3,112 Wi got an mīr wil beiehen
3,113 Daz er in ſiner tugende lobe
3,114 Der naturen iſt obe
3,115 als mīr fīn gute wider git
3,116 Daz von geburt nīder lit
3,117 Ich meīne mīner ougen licht

- 3,118 Des mā nv mīch darben ficht”
3,119 “Hora hora” fprachen fie
3,120 “waz dirre hat gerafet hie
3,121 Ia” fprachen fie gotgvmen
3,122 Sich ob dir crift mac gevrumen
3,123 Den vnfe vetere viengen
3,124 Vñ an eín cruce hiengen
3,125 Sín helfe was ím felber tot
3,126 Wand mā ím leides vil erbot
3,127 Daz er mvfte liden
3,128 Man fach ín da ṽmiden
3,129 Swaz er helfe ie gewan
3,130 Wir wollen des dir bi gestan
3,131 Vñ vns dar an verbínden
3,132 Gehilfet er dir blínden
3,133 Daz dv mīt ougē macht gefehen
3,134 Wir wollen gentzlich an ín iehen
3,135 Mīt gelouben· vñ vns toufen
3,136 Do wart eín zv loufen
3,137 Von dem volke ín der ftat
3,138 Díz gelubde man fie bat
3,139 Verbvrgen· vñ behalden
3,140 Do fprachen gar die alden
3,141 Die edeln romere
3,142 Ob dem alfo were
3,143 Daz der blinde wurde
3,144 Von blindeclicher burde
3,145 Erlofet von dem gutē gote
3,146 So folde gar der iuden rote
3,147 In mīt gelouben eren
3,148 Wolde íman des entkeren
3,149 Des gut folde wesen vrí
3,150 Vñ er mvfte wichen bi
3,151 So hín mīt fchanden vzer ftat
3,152 Der blinde vrolich heím trat
3,153 Hi míte ouch ieglich der diet
3,154 Heím zv herbergen schíet
3,155 Die iuden heten íren spot
3,156 Die criften baten alle got
3,157 Daz er ir fpotten dructe
3,158 Vñ den gelouben zucte
3,159 Vf· ín hoer werdekeit
3,160 Wand der iuden valfcheit
3,161 In gedachte vnwillich ruren
3,162 Der blinde hiez sich vuren
3,163 Vur den pabest bonifacium
3,164 Der weste noch nícht darvm
3,165 Do er di rede ím fagete

3,166 Vil wol fi im behagete
3,167 Wan er was ein wifer man
3,168 Vn gestvnt mit im dar an
3,169 Got folde in wol erhoren
3,170 Vn den valsch zv ftoren
3,171 Der an der iuden hze lac
3,172 Nv was di zit· der felbe tac
3,173 Der e· von in beiden
3,174 Was dar zv bescheiden
3,175 Der liechtmesse ist genant
3,176 Do maria den heilant
3,177 Iesvm truc zv dem templo
3,178 Der pabest hiez gebieten do
3,179 als im fin herze geriet
3,180 Daz algemein der iuden diet
3,181 Des tages zv houf sich nemen
3,182 Vn zv der metten quemen
3,183 In daz mvnster vnser vrouwen
3,184 Da folde man beschouwen
3,185 Ob crift der iuncvrouwen fvn
3,186 Icht mochte ein zeichen getvn
3,187 Von gotlichem gewalde
3,188 Do quamen iunge vn alde
3,189 Svnder allez vriften
3,190 Von iuden vn von criften
3,191 Von leyen vn von pfaffen
3,192 Vn wolden zv caffen
3,193 Welche den sic hetten
3,194 Man fanc vil schone metten
3,195 Wand da vil pfaffen was
3,196 Do ma di achten leccien las
3,197 Do wart iener blinde
3,198 Gevurt von eime kinde
3,199 Vur den alter an ein stat
3,200 Da er so offentlich vf trat
3,201 Daz in manic mēsche sach
3,202 Sin gebet er da sprach
3,203 Daz kint lief von im her abe
3,204 Vn liez in ften an dem ftabe
3,205 Dar uf er geneiget stvnt
3,206 Sin hze tet als die tvnt
3,207 Die nicht zwüeln an gote
3,208 In rechter tugende gebote
3,209 Gewis er finer ougen was
3,210 Do ma di leccien vz gelas
3,211 Do sweic der kor· vn er fanc
3,212 Mit vreuden als sin wille in twanc
3,213 Ein responforium· daz er

- 3,214 In dem h̄zen brachte her
3,215 V̄n getichtet hete vor
3,216 S̄in f̄t̄ime hub sich dran enpor
3,217 V̄n fanc in rechter wende
3,218 H̄in vntz an daz ende
3,219 Do daz vers vz quam
3,220 Von gote lon er des nam
3,221 Ouch zvhant vf der f̄tete
3,222 Wand er zwei f̄chone ougen hete
3,223 Crift erluchte f̄inen knecht
3,224 Daz ín der zit wol was recht
3,225 Wand er m̄it Worten vrien
3,226 S̄ine m̄vter mar̄ien
3,227 Groz lob hete an geleit
3,228 V̄n ir edele kv̄fcheit
3,229 Bewerte wol darinne
3,230 S̄iner worte f̄inne
3,231 Die er offentliche fanc
3,232 Heten vf den f̄in ir ganc
3,233 “Vreuwe dich mar̄ia vrouwe gut
3,234 aller vngelouben blut
3,235 Haftu wol zv brochen
3,236 Swaz zv dir hat ḡesprochen
3,237 Gabriel der godes bote
3,238 Des geloubestv von gote
3,239 In rechter tugende f̄chouwe
3,240 Di kv̄fche iuncvrouwe
3,241 Gebere menschen· v̄n got
3,242 Nach der gotheit gebot
3,243 V̄n blibe kv̄fch nach der geburt
3,244 Daz ichz da m̄ite mache kv̄rt
3,245 Der iude m̄vze f̄in ḡeschant
3,246 Des geloube ist dran gewant
3,247 Daz crift der liebe h̄re m̄in
3,248 Iosephes f̄vn folde f̄in
3,249 Sit in di iuncvrouwe gut
3,250 Gebar in kv̄fcheit wol behut”
3,251 Swaz der pf̄afheit was ḡesamt
3,252 Dvrch di metten an daz amt
3,253 V̄n f̄ahen waz alda ḡesbach
3,254 Wi der m̄esche wol ḡefach
3,255 D̄ vor des blint was gewesen
3,256 Do was ein ieglicher genefen
3,257 Mit vreuden von des zw̄iuels not
3,258 Der sich da vor genvgen bot
3,259 In lobes richem f̄challe
3,260 Huben sie do alle
3,261 Iren gefanc h̄in zv gote

3,262 Von des tugende gebote
 3,263 Der iuden schallen sich v̄schriet
 3,264 Sich touften von der iuden diet
 3,265 Wol vmb di vumfhvndert
 3,266 Swer ouch des was gefvndert
 3,267 Vñ nicht sich liez erweichen
 3,268 Diz lobeliche zeichen
 3,269 Svnder als e· herte bleib
 3,270 Den felben mā vil balde vz treib
 3,271 als e· was gelobet von der stat
 3,272 Do wart ordenlich gefat
 3,273 Von dem pabeste albefvnder
 3,274 Dvrch díz groze wunder
 3,275 Daz die geloubigen hetten
 3,276 Den gefanc zv der metten
 3,277 an dem tage vnser vrouwen
 3,278 Dar an sie mochtē schouwen
 3,279 Ir lob vñ ir eren pris
 3,280 Wand di kvniginne wís
 3,281 Iren vrunden helfen wil
 3,282 Des si dvnket ních zv vil
 3,283 Die si mít truwen rufen an
 3,284 Den wil si vollen trost lan
 3,285 Swa sie ín noten ín dert fín
 3,286 Des si gelobet di kvnigin

4,1 Marien der vrouwen gut
 4,2 Sul wir ín rech̄t demut
 4,3 Vil lobes stete mezzen
 4,4 Ein ritter was v̄mezzen
 4,5 an ritterlichem prise
 4,6 Kvne· vnde wífe
 4,7 Was er· vñ da bi tugenthafft
 4,8 María hete groze craft
 4,9 In finer liebe· die er ir
 4,10 Bot mit steteclicher gír
 4,11 an dienste manigerleie
 4,12 So hín zv dem tvrneie
 4,13 Wol er ín einen ziten
 4,14 Nach gewonheit riten
 4,15 Bi des tvrneies plan
 4,16 Lac ein mvnster wol getan
 4,17 Gewihet der wandels vrien
 4,18 Gotes mvter marien
 4,19 als der ritter ritterlich
 4,20 Wol bereit hete sich
 4,21 Vñ vur daz mvnster reit
 4,22 Darinne was von pfafheit

4,23 Gefamt ein erfame rote
4,24 Der ritter was gut in gote
4,25 Er dachte· “ez ist gut daz ich ge
4,26 Vn hore in criftenlicher e·
4,27 Eine meffe von marien
4,28 Si mac mich wol gevrien
4,29 Von allerhande leides not”
4,30 als im fin wille gebot
4,31 Daz liez er vollen varn alhie
4,32 In daz mvnfter er gie
4,33 Zv einer meffe di man sprach
4,34 als man daz ende kvmē fach
4,35 So hub mā dort ein ande an
4,36 Di wolde er vollen ftan
4,37 Vntz fi volfrochen were
4,38 Waz fal des lange mere
4,39 Der meffen wart vmb in fo vil
4,40 Daz fie in hielden in dem zil
4,41 Vntz bi den mitten tac fo hin
4,42 Sin heilic tvgentlicher fin
4,43 In nicht vnderbrechen lie
4,44 Swaz mā der meffen sprach alhie
4,45 Vf fin ros er do gefaz
4,46 Vn reit fo hin vurbaz
4,47 Da er wette den behurt
4,48 Di zit beduchte in wesen kvrt
4,49 Diwile er in der kirchen was
4,50 Vn gote fin gebet las
4,51 Vf den behurt stvnt noch fin wan
4,52 Nv was der tvrnei zv lan
4,53 Die lute riten im entgegen
4,54 Vn sprachen daz er gar ein degen
4,55 Des tages were alda gewest
4,56 Vf tyuft· vn vf foreft
4,57 Befahen fie nie ritters man
4,58 Ritterschaft fo wol getan
4,59 als da fine kvne manheit
4,60 Genvger alda zv im reit
4,61 Mit vil grozer demvt
4,62 Die im waren schuldic gut
4,63 Nach des tvrneies recht
4,64 Beide ritter vn knecht
4,65 Sprachen vor in allen
4,66 “Ez ist vch wol gevallen
4,67 Wand ir gut· ere· vn pris
4,68 In vil ritterlicher wis
4,69 an vns hute habet eriaget”
4,70 als diz dem ritter wart gefaget

4,71 Es nam in michel wunder
 4,72 Idoch aldarvnder
 4,73 Begonde er offen ſchouwen
 4,74 Daz werc vnſer vrouwen
 4,75 Wi er ge eret was von ir
 4,76 “Ir fult” ſprach er “gelouben mir
 4,77 Daz ich ſin vil vnſchuldic bin”
 4,78 Sus ſagete er in vil gar den ſin
 4,79 Wi im zvr kirchen geſchach
 4,80 D̃ ritter ſich do von in brach
 4,81 Zvr werlde nam er vrloub
 4,82 Wand im was ir liebe toub
 4,83 Er enſchuf weder diz noch daz
 4,84 als er in den wapenen faz
 4,85 Sus reit er in daz cloſter hin
 4,86 Sin vil gotlicher ſin
 4,87 Greif vurbaz an di ritterschaft
 4,88 Daz er mit aller tugende craft
 4,89 Marien ritter wolde ſin
 4,90 Des ſi gelobet die kvnigin

5,1 Eīner vrouwē ſtarb ir man
 5,2 Vn hete ir nīcht me kint gela[n]
 5,3 Dan eīnē ſvn· der was ir zart
 5,4 Do der zeīnem manne wart
 5,5 Er was in irme erbe
 5,6 Wol erſam vn bederbe
 5,7 Nv vugete ſichz an eīme tage
 5,8 Daz der vrouwē wuchs ei clage
 5,9 Wand ir ſvn gevangen wart
 5,10 Vn beveſtent vil hart
 5,11 In kerker vn in halfrīnc
 5,12 Vmb den ſelben ivngelīnc
 5,13 Mochte man do ſchouwen
 5,14 Iamer an der vrouwen
 5,15 Wand ir weīnē vn ir clagen
 5,16 Daz ſi treib an allen tagen
 5,17 Des was vil vn genvc
 5,18 Ir andacht ſi dar uf truc
 5,19 Daz ſi begonde ſchrien
 5,20 an gotes mvter marien
 5,21 Daz ſi von allen banden
 5,22 Vn von den vianden
 5,23 Iren ſvn wolde machen vri
 5,24 Diz gebet wonte ir bi
 5,25 Lange zit· vn di geſchicht
 5,26 Half ſi dar an nīchtefnīcht
 5,27 Swaz ſi gebat marien

5,28 Vmb iren fvn zv vrien
5,29 Den kerker niman im entfloz
5,30 zv iungeft fi fin ouch vdroz
5,31 Wand ir gebet was vnerhort
5,32 Si quam zv einer kirchen dort
5,33 nach gewonlichen fiten
5,34 Da was ein bilde gefniten
5,35 Vn meifterlich gehouwen
5,36 Nach vnser lieben vrouwen
5,37 In ir schoze ein kindel faz
5,38 Di vrouwe erfpehete vil wol daz
5,39 allein fi were drinne
5,40 In einvaldigem finne
5,41 Vur daz bilde fi quam
5,42 Zv famne fi ir hende nam
5,43 Vn viel vf ire knie vnvro
5,44 Si sprach zv vnser vrouwen do
5,45 Wand betrubet was ir mvt
5,46 Maria iuncvrouwe gut
5,47 Ich bin da her zv dir getreten
5,48 Vn habe dich harte vil gebeten
5,49 Beide abent vnde morgen
5,50 Daz dv in minen forgen
5,51 Mir woldest dine helfe tvn
5,52 Vn mir minen lieben fvn
5,53 Vrolich woldest losen
5,54 Von alle ienen bofen
5,55 Die in dort gevangen haben
5,56 Nv han ich des vil wol entfaben
5,57 Swaz ich an dich vn an din kint
5,58 Schrie· daz ist allez blint
5,59 Wand du mir nicht helfen wilt
5,60 Mine bete sich alhie bezilt
5,61 Wand ich dich nicht wil als e·
5,62 Vmb minē fvn biten me
5,63 Min arbeit sal ich dran vfparn
5,64 aber ich wil dir mite varn
5,65 als mit mir ist geworben
5,66 Sit min trost ist erstorben
5,67 So wil ich din kint dir ouch nemen
5,68 Des mich dvrch not mvz gezemen
5,69 Zv eime gifele vur min kint
5,70 Min wille nimer sich erwint
5,71 Daz ich in wider bringe dir
5,72 Dv enschaffest minen fvn mir
5,73 Darvme tv als dir behage
5,74 Wand ich ie zv hufe trage
5,75 Din kint mit mir vō dirre ftat

5,76 Hi mite fi hin zv trat
 5,77 Vñ nam daz bilde ir uzer fchoz
 5,78 Ein tuch fi darvme floz
 5,79 Vñ truc ez heím mitir zv hvs
 5,80 Si gienc vil heímlich in ir clvs
 5,81 Vñ nam mit grozem ruche
 5,82 Vil fydiner tuche
 5,83 Vñ dar zv ander gewant
 5,84 Darvme fi ez wol bewant
 5,85 Vñ leítez in ir kíften
 5,86 Si sprach “wil dich hi vristen
 5,87 Din myter· daz mac fi wol tvn
 5,88 Gibet fi nícht mír mínē fvn
 5,89 Dv wírfst ir n̄mer wider bracht”
 5,90 nv quā ouch ín der felben nacht
 5,91 Maria di vil gute
 5,92 In des kerkeres hute
 5,93 Da iener fvn gefangen lac
 5,94 Vñ vil lutzel vreuden pflac
 5,95 Nach finer viende willekvr
 5,96 alle des kerkeres tur
 5,97 Vezzern vnde halfbant
 5,98 Lofte im maría zvhant
 5,99 Si sprach “vil liebez kint nv ganc
 5,100 Vri fvrder allen twanc
 5,101 Zv díner myter· vñ sprich
 5,102 Daz ich gelofet wol han dich
 5,103 Sit dv macht vri bi mír leben
 5,104 Heiz mír mī kint ouch wið geben
 5,105 Daz fi mír vor dich e· nam”
 5,106 Ð knappe heím zv hufe quam
 5,107 Harte vrolich zvhant
 5,108 Der myter machte er bekant
 5,109 allez wi im was gefchen
 5,110 als in di myter hete erfehen
 5,111 Do wart ir vreude harte groz
 5,112 Iren kaften fi vf floz
 5,113 Des fi do nícht bevilde
 5,114 Si nam daz cleíne bilde
 5,115 Da mite fi zvr kirchen quam
 5,116 Vñ gab der vrouwē lo befam
 5,117 Ir kint wider· vñ sprach
 5,118 “Nv hat mín h̄ze gut gemach
 5,119 Edel kvfche gotes maget
 5,120 Genade vñ lob fi dir gefaget
 5,121 Wand dín helflicher troft
 5,122 Mír mínē fvn hat erloft
 5,123 Von der gevencníffe cloben

- 5,124 Des fā ich dich immer loben
 5,125 ane v̇gezzen vnderbint
 5,126 Dv haſt gelediget wol dīn kint
 5,127 Daz ich dir laze vrie”
 5,128 Secht alſus kan marie
 5,129 Ir tugent den lutē zeigen
 5,130 Die ſich wollent neigen
 5,131 Vñ ir mīt dienſte vnder ſin
 5,132 Des ſi gelobet di kvnigīn

 6,1 VF vngenemen gewin
 6,2 Satzte ein mā ſines ḣzen ſin
 6,3 Wand er den lutē ſtal ir habe
 6,4 Vñ betruc ſich dar abe
 6,5 Idoch dirre felbe dieb
 6,6 Hete vnſe vrouwē harte lieb
 6,7 Swi er des boſen amtes pflac
 6,8 Dar an er gevangen lac
 6,9 In der ſvnden ſtricke
 6,10 Idoch vil dicke vñ dicke
 6,11 Sprach er daz auemaria
 6,12 Beide hi vnd ouch da
 6,13 Gruzte er di liebe vrouwen
 6,14 Da bi was vn̄houwen
 6,15 Sīn dvbe· der er dicke pflac
 6,16 Nv vugete ſichz vf einē tac
 6,17 Daz er nach duplicher art
 6,18 nach recht̄ ſchult begriffen wart
 6,19 Vñ geworfen in den ſtoc
 6,20 Dvrch ſin velfchlich gezoc
 6,21 Wart im verteilt ſin leben
 6,22 Vber in wart vrteil gegeben
 6,23 Daz mā in folde erhengen
 6,24 Dīz wolde man volbrengen
 6,25 nach gehegetem vrteile
 6,26 Mit eime ſtarken feile
 6,27 Wart er geſtricket oben an
 6,28 Man zoch di leitern hīn dan
 6,29 Vñ liez den dieb fwingen
 6,30 Do wolde an nuwen dīngen
 6,31 María di getruwe
 6,32 Machen alda nuwe
 6,33 Daz ein ieglich geflechte
 6,34 Si mīnen fā zv rechte
 6,35 Vñ an dem ḣzen haben lieb
 6,36 Si hielt enpor dīfen dieb
 6,37 Daz in der ſtric nīcht entwanc
 6,38 alſus ſagete ſi im danc

6,39 Daz er fi dicke gruzte
6,40 Sîn vngemach fi buzte
6,41 Swî er enpor fwebete
6,42 Daz er doch wol lebete
6,43 Vn̄ dikeînes leides pflac
6,44 Sîn gelucke im do wac
6,45 Daz die· die in e· hiengen
6,46 Des dritten tages giengen
6,47 Von geschicht da vor in
6,48 Wand da gienc ein straze hin
6,49 Vn̄ fâhen daz in wunder bot
6,50 Wi im noch v̄re was fîn tot
6,51 Wand er sich regete· vn̄ sprach
6,52 Ob er hete gut gemach
6,53 Ir einer hîv entzwei daz feil
6,54 Do gestvnt er vor im heil
6,55 als dem nicht leides ist geschen
6,56 Sie baten in der warheit iehen
6,57 Wi daz were ergangen
6,58 Sit er was erhangen
6,59 [D]az in der tot nîcht hete erflagen
6,60 Do sprach er daz wil ich vch fagen
6,61 Wannē mîr ist helfe kvmen
6,62 Do mir di leiter wart benvmen
6,63 Vn̄ fûs min trost v̄houwen
6,64 Di aller schonsten vrouwen
6,65 Di ie keîn ouge me gefach
6,66 Sach ich kvmē vf mî gemach
6,67 Wand fi mich enpor hielt
6,68 Vn̄ mit gewalt mîn also wielt
6,69 Daz mich der strîc nicht entwanc
6,70 Di zit enduchte ouch mîch nicht lanc
6,71 Wand mir gar ein femfte leben
6,72 Dar enbinnē was gegeben
6,73 So gerne ich di vrouwen fach
6,74 Zv mir vil gutlich fi sprach
6,75 “Nv sich wi dv genîezen falt
6,76 Diner tugende gewalt
6,77 Dvrch di ich dir helfe la
6,78 Wan dv daz aue marîa
6,79 Zv mir spreche dicke
6,80 Des fâl in difme stricke
6,81 Gelonet werden dir ein teil”
6,82 Die lute waren alle geil
6,83 Do fie heten wol v̄nvmen
6,84 War abe im helfe were kvmen
6,85 Durch di reîne marîen
6,86 Di in da wolde vrîen

6,87 Do liezen sie in wesen vri
 6,88 Der dieb lief alzhant da bi
 6,89 Zeime clostere da er bat
 6,90 Daz mā durch got in an der stat
 6,91 Sine fvnde lieze bvzen
 6,92 Marien di vil fvzen
 6,93 Gewan er also lieb dar na
 6,94 Daz er daz aue maria
 6,95 Mit finer venie ir dicke bot
 6,96 alfus tut in aller not
 6,97 Di vrouwe ire vruden helfe schin
 6,98 Des si gelobet di knigin

7,1 [I]N einer schule ein schuler was
 7,2 Der da sanc vnde las
 7,3 Vntz an knust er gedech
 7,4 Sin hze sich des nie vzech
 7,5 Ez enhete lieb marien
 7,6 Di reinen wandels vrien
 7,7 Gruzte er dicke hi vn da
 7,8 Mit dem auemaria
 7,9 Vnser vrouwen gezit
 7,10 Di maniger noch sprechen pfliet
 7,11 Di sprach der schuler alle tage
 7,12 nv entftvnt im ein clage
 7,13 Di im ein teil fwere wart
 7,14 Wand im des todes hervart
 7,15 Vater vn mvter nam
 7,16 Daz erbe gar vf in quam
 7,17 Wand er was ein einec svn
 7,18 Der vrunde rat mvste er tvn
 7,19 Wand ir wille was dar an
 7,20 Er folde von den buchen lan
 7,21 Vn zv der e grifen
 7,22 Oder im begonde entflifen
 7,23 Vz den henden sin gut
 7,24 Sie vberwunden fine mut
 7,25 Er volgete irme rate
 7,26 Do wart ouch im vil drate
 7,27 Getruwet offentlich ein brut
 7,28 Di man im schone vn vberlut
 7,29 Erlich zv huse brachte
 7,30 Der brutegom gedachte
 7,31 Er hete ein teil gebrochen
 7,32 Vn noch nicht vollen sprochen
 7,33 Di gezit vnser vrouwen
 7,34 Daz hete im vnderhouwen
 7,35 Di samnvnge vn di wirtshaft

7,36 Daz h̥ze idoch im was behaft
7,37 Zv vn̄er vrouwen also tief
7,38 Daz er heimlichen lief
7,39 In vil drater snelle
7,40 Da bi in di capelle
7,41 Vn̄ wolde ervullen sin gebet
7,42 Binnē des vn̄ er daz tet
7,43 Do viel er vn̄ entn̄vcte
7,44 Sin herze sich enzvcte
7,45 an vrende anefchouwe
7,46 Vor in quam vn̄se vrouwe
7,47 In schonem liechte genvc
7,48 Ir antl̄itze si nider fluc
7,49 als ob di wol geborne
7,50 In folde sehen mit zorne
7,51 Dem si wol geliche sach
7,52 Zv im si vnm̄vtec sprach
7,53 alda in dem kore
7,54 “Eya dv rechter tore
7,55 Wes wiltu lazen dich gezemen
7,56 Vn̄ ein ander brut nemen
7,57 Dar an wiltu mich smehen
7,58 Vn̄ gar vervn̄wehen
7,59 Dine kv̄schlichen cleit
7,60 foldestu mit werdekeit
7,61 Behalden gar in aller macht
7,62 Sus hetest du dich vor bedacht
7,63 nv wiltu verandern dich
7,64 Vn̄ eine brut vber mich
7,65 an dine liebe nv zien
7,66 Sus wiltu hin von mir vlien
7,67 Daz ist vil effenlich ein dinc”
7,68 Do erschrac der iungelinc
7,69 Deswar harte fere
7,70 Er nam di widerkere
7,71 So hin zv der wirtschafft
7,72 War an daz h̥ze im was behaft
7,73 Daz machte er niman kvnt
7,74 Dar nach an der abent ftvnt
7,75 Do man zv bette in vurte
7,76 Sin alde truwein rurt
7,77 Di er zv marien truc
7,78 Daz er sich karte uf fulchen vuc
7,79 Wi er heimlich entqueme
7,80 Diz schuf wol der geneme
7,81 als im geriet sin wille
7,82 Er lief do in der stille
7,83 Zv eine clostere hin ab

- 7,84 Da er zvhant sich ouch begab
7,85 Mit tugentlicher reínekeit
7,86 Opferte er di kvfcheít
7,87 Marien der vrouwen fin
7,88 Des fi gelobet di kvnigin
- 8,1 An kvnftlichem prife
8,2 Was ein pfaffe vnwife
8,3 Ichmeíne an vzerre kvnft
8,4 Idoch an tugende vernvnft
8,5 Waren im die finne fcharf
8,6 Dar uf er ie fin hze warf
8,7 Daz er zv marien truc
8,8 Grozer liebe vil genvc
8,9 Darinne er zv allen ziten bran
8,10 Dirre felbe gute man
8,11 Von den meffen gemeinen
8,12 Hielt sich an di einen
8,13 als fin einvalt in twanc
8,14 "Salve sancta parens" fanc
8,15 Diz was di messe di er treib
8,16 an der er alle tage bleib
8,17 Vn wolde ouch stete an ir wesen
8,18 Beide fingen vn lesen
8,19 Was im di messe wol gereit
8,20 Diz mere wart von im so breit
8,21 Daz ez der bischof vernam
8,22 Der des groblich erquam
8,23 Wand er ouch nach im fante
8,24 Sinen zorn er wante
8,25 Vf in mit harte grozer craft
8,26 alle finer prifterchaft
8,27 Hiez er in gentzlich vri wesen
8,28 Weder fingen noch lesen
8,29 Wand ez gar missezeme
8,30 Daz er sich an neme
8,31 an der prifterchaft so leben
8,32 Im was eine pfarre gegeben
8,33 Di nam im ouch der bischof
8,34 Beide hus vn hof
8,35 Liez er nicht im bliben
8,36 Wand er wolde in vtriben
8,37 als einen rechten narren
8,38 Von allerhande pfarren
8,39 Vn vz dem genieze lan
8,40 Der prifter der gute man
8,41 Wart vil leidec vnde vnvro
8,42 Daz er verstozen was also

8,43 Von alle fime gemache
8,44 Dvrch di felbe fache
8,45 an vnse vrouwe er vafte rief
8,46 Do fus di zit hin gelief
8,47 Vn zv ir halb di nacht genam
8,48 Maria di vrouwe quam
8,49 Zv dem bifchoue do er lac
8,50 an flafe gemaches pflac
8,51 In fime troume diz gefchach
8,52 Ernftlich fi zv im fprach
8,53 als fi vnmvtec were
8,54 "Sage mir durch welche mere
8,55 Haftu minen capellan
8,56 So betrubet von dir gelan
8,57 Vn im fin ere genvmen
8,58 Der an min dienft ift bekvmen
8,59 Vn dar an wol vvlizzen
8,60 Dv falt vwar daz wizzen
8,61 Dv engebefst im di ere wider
8,62 Daz din ere lit dar nider
8,63 Beide lib vnde leben
8,64 Mvftu gentzlich ergeben
8,65 Binnen difen drizec tagen"
8,66 Den bifchof wart di angeft iagen
8,67 Daz er da von erwachte
8,68 Zvhant er fich uf machte
8,69 Vn fante nach dem prift hin
8,70 Mit demut viel er vor in
8,71 Vn fprach "mir ift nicht wol gefchen
8,72 als ich mit warheit habe gefehen
8,73 Vergib mir mine vbeln mvt
8,74 Vn habe dir wider alle din gut
8,75 Pfarre vnde pfafheit
8,76 Vn dar zv gantze vriheit
8,77 Idoch in fulcher miete
8,78 Daz ich dir nv gebiete
8,79 Von difme tage vurbaz
8,80 Saltu behalden immer daz
8,81 Des ich dich gar wil vrien
8,82 Daz dv di fchonen marien
8,83 Ereft mit der meffe allein
8,84 Vor die andern gemein
8,85 als du biz her haft getan"
8,86 Do wart vro der gute man
8,87 Vn dancte der vrouwen gut
8,88 Daz fi in hete wol behut
8,89 an erbe vn an dem amte fin
8,90 Des fi gelobet di kvnigin

- 9,1 Sycilia ist ein lant
9,2 Mit fime namē so genant
9,3 Darine was als mā faget
9,4 Ein schuler wol uf betaget
9,5 Der den rechtē wec verlie
9,6 Wand er mit fvndē vmme gie
9,7 Darinne er befulwet lac
9,8 Idoch fwi er vīl fvnden pflac
9,9 Die in heten gebogen
9,10 Doch was daz hēze im gezogen
9,11 Zv marien der fvzen
9,12 Di er pflac ofte gruzen
9,13 Wand er ir grozer liebe iach
9,14 Da bi er vil mit fvnden brach
9,15 Vn erzvrnete also got
9,16 Daz er fin heilic gebot
9,17 Vwarf vn in fvnden lief
9,18 Zeimal lac er vn entflief
9,19 Do troumte im harte fwere
9,20 In duchte wi er were
9,21 Vor got an fin gerichte kvmen
9,22 Vn horte grozen vnvrumen
9,23 Der uber in alda gefchach
9,24 Got zv finen heiligen sprach
9,25 “Ey nv faget mir welch recht
9,26 Sal haben dirre bofe knecht
9,27 Dem ich so vīl han vtragen
9,28 In hat di fvnde also vflagen
9,29 Daz er mit willen ist gereit
9,30 In ieglicher bofheit
9,31 Befuln den lib vn den fin”
9,32 Die heiligen sprachen wider in
9,33 “Herre gewaldiger got
9,34 Er hat so vil in dīn gebot
9,35 Gebrochen daz des wol ist zit
9,36 Ob fin leben dran gelit
9,37 Gib in mit vrteile
9,38 Zv dem vnheile
9,39 Dar nach fin fvndec hēze lam”
9,40 als daz maría vernam
9,41 Di muter aller truwe
9,42 Machte alda nuwe
9,43 Irre grozen tugende recht
9,44 Vn gedachte an iren knecht
9,45 Der fi vīl ofte gruzte
9,46 Sin leit fi im wol buzte
9,47 Vn machte im alle forge blint

9,48 Si sprach wider ir liebez kint
 9,49 “Ey lieber fvn tv fo wol
 9,50 Gewere mich als ich biten fol
 9,51 Vur diz mēfche daz hi stat
 9,52 Daz din vrteil v̄tvm̄et hat
 9,53 Zv der helle glute
 9,54 Sich an dine gute
 9,55 Daz dv fo rechte gut biſt
 9,56 Gewere mīch in dirre vr̄ift
 9,57 Vn̄ lenge ein wenic im fīn leben
 9,58 Wil er di f̄vnde nicht begeben
 9,59 Vn̄ ſich nicht zv dir keren
 9,60 So ſaltu an im meren
 9,61 Swi dir behage dīnen zorn”
 9,62 “Sīch” sprach er “nv han ich v̄korn
 9,63 Dvrch dich liebe mvter min
 9,64 Daz er v̄tvm̄et folde fīn
 9,65 als ein vnnvtze vaz
 9,66 Ich wil in vr̄iften vurbaz
 9,67 Ob er ſich vm̄me kere
 9,68 Mīch vnd dīch dran ere
 9,69 Daz er ſich baz v̄finne”
 9,70 Do neīg di kvnīgīnne
 9,71 Geīn im mit grozer werdekeīt
 9,72 Daz fīn zorn was hin geleīt
 9,73 als fīn tugent īn lerte
 9,74 Maria ſich do kerte
 9,75 Kegen dem ſchuldigen man
 9,76 “Ey” sprach ſi “nv ſich dar an
 9,77 Wi dir genade iſt geſchen
 9,78 Dv ſalt mit vlize befehen
 9,79 Daz dv von allen f̄vnden vlies
 9,80 Vn̄ din leben vf tugende zies
 9,81 Tuſtu des nicht· wizze daz
 9,82 Dir hilfet nīman vurbaz
 9,83 Vntz dir kvmt eīn leīder flac”
 9,84 Der rede er alfo hart erfchrac
 9,85 Daz er da von entwachte
 9,86 Vil balde er ſich uf machte
 9,87 Vn̄ dancte finer vrouwen
 9,88 Er līez vil gentzlich ſchouwen
 9,89 Daz im was leīt di f̄vnde
 9,90 Zv eīnem vrkvnde
 9,91 Er luterlichen bichte
 9,92 Do er ſich wol entlichte
 9,93 Zv eīme cloſter balde er vur
 9,94 Da er ſich īnne v̄fwur
 9,95 Vn̄ ouch mīt tugendē ſtete bleib

- 9,96 Sin zit er nvtzlich ʒtreib
 9,97 Dvrch di lieben vrouwē fin
 9,98 Des fi gelobet di kvnigin

 10,1 “Aue maria” ift ein gebet
 10,2 Swer daz ie mīt vlize tet
 10,3 Vñ noch hute in vlize tut
 10,4 Defwar des lon ift harte gut
 10,5 Wand di liebe kvnigin
 10,6 Maria di vrouwe mín
 10,7 In rechter zit im lonet
 10,8 Sin wirt ouch gefchonet
 10,9 Da er es aller beft bedarf
 10,10 Diz gebet ift alfo fcharf
 10,11 Daz ez vil vntugende
 10,12 Nemelich in der iugende
 10,13 abe den luten fnidet
 10,14 Der tuvel von im lidet
 10,15 Defwar leides harte vil
 10,16 als ich ein teil vch fagen wil
 10,17 In eime clofter was ein man
 10,18 Der hete mvnches cleider an
 10,19 Vñ truc vzene daz leben
 10,20 Sin h̄ze was vil vnbegeben
 10,21 [a]n dem den orden kv̄fet got
 10,22 Von der brudere gebot
 10,23 Pflac er di metten luten
 10,24 Vñ daz zeichen duten
 10,25 Dar nach man fanc vñ las
 10,26 Ein harte valfcher mvnch er was
 10,27 Wand er als ein t̄vber gief
 10,28 Des nachtes zv den luten lief
 10,29 So er des mochte haben ftate
 10,30 Eine gewonheit er hate
 10,31 Der er gewon was zv pflege
 10,32 Daz er ie in dem felben wege
 10,33 Vñfer vrouwen bilde neig
 10,34 Vñ da bi nicht gefweig
 10,35 Er enſpreche ein avemaria
 10,36 Eines nachtes quā er da
 10,37 aber uf finen bofen wec
 10,38 Vber ein wazzer lac ein ftec
 10,39 Dar vf fin trit geburte
 10,40 Der tuvel zv fchurte
 10,41 Vntz im der vuz hín abe entgleit
 10,42 Im entftvnt ein mīchel leit
 10,43 Wand er viel nider vñ ertranc
 10,44 Vil fcharf was der anevanc

10,45 Den di fele an vorchten nam
10,46 Ein mîchel her vō tvueln quam
10,47 Die sich der fele an namen
10,48 Die heiligen engele ouch quamen
10,49 Vñ warten ires teiles
10,50 Des menschen vnheiles
10,51 Waren die tuvele harte vro
10,52 Vñ sprachen zv den engeln fo
10,53 “Waz ist uwer gewerben
10,54 an diffes menschen sterben
10,55 Er ist vnser da er lit
10,56 Wand er pflac des alle zit
10,57 Daz er mit fvndē vmme gie
10,58 In den er ist erstor ben hie
10,59 Hi von ist sin gevelle
10,60 Von rechte vntz in dí helle”
10,61 Die engele sichs do verzigen
10,62 Der antwurte sie gefwigen
10,63 Wand die tuvele heten war
10,64 Er was mît fvnden kvmē dar
10,65 Secht do machte vns nuwe
10,66 Maria di getruwe
10,67 Daz si den wil bi gestan
10,68 Die fvnderlichen vliz han
10,69 In ir dienste alle zit
10,70 Ob der mēfche wol in fvnden lit
10,71 Vñ doch di kvniginne
10,72 In etelichem sinne
10,73 Da bi mit truwen eret
10,74 Ir tugent si daz leret
10,75 Daz si im in rechter not
10,76 Ez si in leben oder in tot
10,77 Ir helfe mvz ie leiften
10,78 Si quam zv difen geiften
10,79 Da si den vrunt in noten sach
10,80 Vil ernstlich si zv in sprach
10,81 Mit gewaldes volleifte
10,82 “Wa nv ir vbeln geifte
10,83 Wi tvrret ir beruren
10,84 Di fele· vñ indert vuren
10,85 als ich wol an vch schouwe”
10,86 Do sprachen sie· “o vrouwe
10,87 Wir tvn der fele harte recht
10,88 Wand er als ein valfcher knecht
10,89 Den lib mit fvnden hat volant”
10,90 Do sprach di vrouwe sanzvhant
10,91 “O. des fult ir nicht sprechen
10,92 Ich mac wol vnderbrechen

10,93 Mit rechter warheit den strit
10,94 Wand er pflac des alle zit
10,95 als er an difen wec quam
10,96 Daz er vrloub zv mir nam
10,97 Vn neig kein minē bilde
10,98 Da bi in nicht bevilde
10,99 Er engruzte alda mich
10,100 Mit fime gruze vrütlich
10,101 Den ich von im dicke nam
10,102 Zvhant als er wider quam
10,103 Gruzte er mich aber· vn neig”
10,104 Der tuvele craft hi mite fweig
10,105 Do sprach di vrouwe· “vfdaz ir
10,106 Gedenket mvget icht zv mir
10,107 Daz ich vch wolle tvn gewalt
10,108 So laze wir mit einvalt
10,109 an den richter di fache
10,110 Vn fwaz er druz mache
10,111 Des ful wir halden vns gewert”
10,112 Des wart ouch von in begert
10,113 Do sprach der hofte richter got
10,114 Sin wille were vn fin gebot
10,115 Dvrch fine mvter minnefam
10,116 Di fich der fele an nam
10,117 Daz di fele queme
10,118 Vn den lib wider neme
10,119 Wolde er bezzern fin leben
10,120 Do So folde mā di vreude im geben
10,121 Were aber daz er in fvnden
10,122 Di bosheit wolde ergrvnden
10,123 Vn befvlt darinne wesen
10,124 So folde er bliben vngenesen
10,125 Er mvfte nach des libes tot
10,126 Hin in di ewigen not
10,127 Vn da besitzen di glut
10,128 “Daz urteil ist gewesen gut”
10,129 Sprach die vrouwe sanzvhant
10,130 nv was di zit ouch volant
10,131 Daz die mvnche hetten
10,132 Geflafen biz zur metten
10,133 Niman zoch di glocken
10,134 Die daz lut folden locken
10,135 Zvr kirchen nach gewonheit
10,136 Ir fwigen wart do hin geleit
10,137 Wand fie hin vnde her
10,138 Suchten iren glockener
10,139 als in do wol geburte
10,140 Zvr tvr vz man in spurte

10,141 Man gienc im nach vntz mā in fache
 10,142 Ertrvken ligen in der bach
 10,143 Diz was in vmazen leit
 10,144 Doch was in allen vfeit
 10,145 Di fache di in vz treib
 10,146 Nicht lange er da ligen bleib
 10,147 Sie zvgen in vz vf daz ftat
 10,148 Des volkes vil hin zv trat
 10,149 Vn clagete fin vngemach
 10,150 Binnen des vn diz gefchach
 10,151 Daz fie in clageten aller meift
 10,152 Do erquicte sich fin geift
 10,153 Von vnfers hren gebote
 10,154 alle die gefamte rote
 10,155 Nam des michel wunder
 10,156 Sie vrageten albefvnder
 10,157 Wi im gefchen were
 10,158 Do fagete er in die mere
 10,159 Gentzlich durch waz er vz quam
 10,160 Vn wi er finen tot nam
 10,161 Vn wi di reine kvnigin
 10,162 Im were in den noten fin
 10,163 Getrulich zv helfe kvmen
 10,164 als fie heten diz vnmnen
 10,165 Do lobeten fie alle got
 10,166 D bruder liez der fvnden fpot
 10,167 nach tugende er mit vlize warb
 10,168 Darinne er feliclichen ftarb
 10,169 Vn quam hin zv der vrowe fin
 10,170 Des fi gelobet di kvnigin

11,1 Ouch was da bi in einer ftat
 11,2 Ein fhuler der fo hin trat
 11,3 Vf fvndeclichen ftrozen
 11,4 Er wolde vngerne lazen
 11,5 Sinen willen vnvolbracht
 11,6 Der uf fvnde was gedacht
 11,7 als er des mochte haben ftate
 11,8 Ein tugent er da bi hate
 11,10 Vor vnfer vrouwen bilde er gie
 11,11 Da viel er vffe fine knie
 11,13 alle tage daz gefchach
 11,14 Harte lieplich er sprach
 11,15 alda fin auemaria
 11,16 Nv geburte sichz dar na
 11,17 als fine viende vientlich
 11,18 Dar vf wol berieten sich
 11,19 Sie wolden in zv tode erflan

- 11,20 Diz liezen sie ouch vollen gan
11,21 [Da]z sie in tot flugen
11,22 [N]ach difen vnvugen
11,23 [W]as den vrunden leit genvc
11,24 [D]en toden licham man truc
11,25 [S]vnder meffe fvnder recht
11,26 [a]ls einen vnnvtzen knecht
11,27 Vñ grub in vf dem velde
11,28 [M]it fulchem wider gelde
11,29 [L]onten sie den fvnden
11,30 Den magen vñ den vrunden
11,31 Was allen wol von im bekant
11,32 Wi sin leben was gewant
11,33 Vf alfulche bosheit
11,34 Daz im zv rechte was vfeit
11,35 Cristenliche bigraft
11,36 Daz lut was in den wan behaft
11,37 Er were nv in der helle clage
11,38 Dar nach vber drizec tage
11,39 Di vrouwe ob allen vrouwen
11,40 Maria liez beschouwen
11,41 Daz si mit helfe dem gestat
11,42 Der ir ie icht gedienet hat
11,43 In etelicher andacht
11,44 Si wifete sich in der nacht
11,45 Eime reinen mvnche gut
11,46 Mit allen tugenden wol behut
11,47 Der wol in gotes wegen trat
11,48 Diz was in der selben stat
11,49 Da bi der mēsche was begraben
11,50 Do ir der mvnch hete entfaben
11,51 Vñ si mit finem gruze entpfie
11,52 Do sprach di vrouwe “ir habet alhie
11,53 Kein mir ein teil missetan
11,54 Wand ir minen dienstman
11,55 Vf daz velt habet geleit
11,56 Zwischen im vñ der cristenheit
11,57 Machet ir ein vnderfcheide”
11,58 Do wart dem mvnche leide
11,59 “Sagan vrouwe min fagan”
11,60 Sprach er “wer ist dirre man
11,61 Vrouwe mi daz ist wol recht
11,62 Swa wir wizen dinē knecht
11,63 Den fal mā durch dich eren
11,64 Vñ dran din lob meren
11,65 In den landen verre hin”
11,66 Do sprach di vrouwe wider in
11,67 “Ez ist der der vor drizec tagen

11,68 Hi zv tode wart erflagen
11,69 Vñ dar nach vffez velt geleit
11,70 Er hete eine gewonheit
11,71 Di mır wol von im tet
11,72 Daz er dicke fin gebet
11,73 Sprach vor minem bilde
11,74 Da mite in nicht bevilde
11,75 Er enviele vf fine knie
11,76 Mit grozer andacht er sich lie
11,77 Vf die hende kegen mır
11,78 Sin gruz quā wol nach miner gir
11,79 Den er mır dicke vñ dicke bot
11,80 E· er wurde erflagen tot
11,81 Diz faltu beduten
11,82 Dvrch gut den andern luten
11,83 Sprich daz mā fin schone habe
11,84 Vñ vf den kirchof in grabe”
11,85 Hi mite ir wort ein ende nam
11,86 als der vru morgen quam
11,87 Der gute man daz lut rief
11,88 Manic mēfche dar zv lief
11,89 Wand er in gentzlich vndfchiet
11,90 als im vnse vrouwe riet
11,91 Von dem· der vf dem velde lac
11,92 Do ez quam vf schonen tac
11,93 Die lute giengen an fin grab
11,94 Vñ schurren vafte fo hin ab
11,95 Di erde vntz vf den licham
11,96 Ein wunder man alda vnam
11,97 Daz ieglich an im wol fach
11,98 Do man di laden vf brach
11,99 Man vant da eine blvmen
11,100 Vrifch vf fine gvmen
11,101 Ligen in finem mvnde
11,102 Da bi man ouch begynde
11,103 an im fin zvnge schouwen
11,104 Di was fo vnverhouwen
11,105 Von aller vnvlate
11,106 Varwe vnde blut fi hate
11,107 So vrifch behut vor aller not
11,108 als ob der mēfche nie were tot
11,109 Des nam fie mīchel wunder
11,110 Do pruweten fie dar vnder
11,111 Daz di blvme vñ daz gelit
11,112 Da legen fvnder vulen trit
11,113 Daz were gar von dem gebete
11,114 Daz er mit der zvngen hete
11,115 Vnfer vrouwen erboten

- 11,116 Mit vil erlichen roten
 11,117 Vñ mit lobes schalle
 11,118 Brachten sie do alle
 11,119 Vf den kirchhof den lichamen
 11,120 In vnser lieben vrouwen namē
 11,121 Begruben sie mit werde
 11,122 In· vf gewiheter erde
 11,123 In der cristenheite schrín
 11,124 Des fi gelobet di kvnigin
- 12,1 NOch fult ir horen hi vnder
 12,2 Ein harte schone wunder
 12,3 Wi maria di gute
 12,4 In lobelicher hute
 12,5 Ire vrunt in noten halden kan
 12,6 Ez was ein abt ein guter man
 12,7 Der in ein tugentlichez leben
 12,8 Sich mit willen hete ergeben
 12,9 Vñ des getruwelichen pflac
 12,10 Vil nahen im zv hzen lac
 12,11 Maria di vrouwe gut
 12,12 Wort· werc· vñ mvt
 12,13 In ir liebe er wante
 12,14 Darinne er ftete brante
 12,15 Wand er ez willekvrte
 12,16 Zeimal ez sich geburte
 12,17 Daz in mit luten genvc
 12,18 Ein schif vber mer truc
 12,19 Die vf dem wege liden not
 12,20 Ein ftvrmweter sich in bot
 12,21 Mit fulches windes vlagen
 12,22 Daz ir genvge lagen
 12,23 als ob sie weren tot geflagen
 12,24 Der ftvrm begondez schif iagen
 12,25 Beide wider vnde vort
 12,26 Daz wazzer lief in den bort
 12,27 an grozen vnden vf erhaben
 12,28 Sie wanten alle befnaben
 12,29 Von zwiuel als die veigen tvnt
 12,30 Der ftvrm lange ob im ftvnt
 12,31 Vñ herte an mit grozer macht
 12,32 Binnen des in einer nacht
 12,33 Wart daz weter also groz
 12,34 Vñ gab dem kile fulchen ftoz
 12,35 Daz die lute liezen ligen
 12,36 alle ir dinc vñ sichz verzigen
 12,37 Von der vnden loufen
 12,38 Dachte sie befoufen

12,39 Ir leben· vñ daz neígen
 12,40 Sie ftvnden als die veigen
 12,41 Die gewís den tot haben
 12,42 Die hende ieglicher hete erhaben
 12,43 Da míte er in den hímel schrei
 12,44 Idoch truc ir geschrei entzwei
 12,45 Dírre an nícolaum
 12,46 Iener schrei an petrum
 12,47 So rief der an andream
 12,48 Vnde der an katherínam
 12,49 Ieglicher vmme helfe sprach
 12,50 Den· an dem er sich vñfach
 12,51 Daz erím helfe folde geben
 12,52 Vñ den fín wille vñ fín leben
 12,53 Befvnder vz den andern las
 12,54 Swaz der wazzer heiligen was
 12,55 Die man an rufet vf dem mer
 12,56 Den wart nach helflicher wer
 12,57 Vil gelubdes getan
 12,58 Do der abt der gute man
 12,59 Di zwítracht gehorte
 12,60 Di an der lute worte
 12,61 an manígen heiligen bat
 12,62 Mitten ín daz schif er trat
 12,63 “O” sprach er lieben lute
 12,64 Vernemt waz ich vch dute
 12,65 [E]z íft gut daz ir tut
 12,66 [Id]och tut ein bezzer gut
 12,67 [S]itdaz wir von den heiligē roten
 12,68 [Z]v gote wollen fenden boten
 12,69 [D]ie vnser leben vesten
 12,70 [S]o ful wir nemen die besten
 12,71 [D]er gotes willen neiget
 12,72 [D]az er balde vns zeiget
 12,73 [S]íner barmvñge willen
 12,74 [V]ñ let daz wazzer stillen
 12,75 Daz mit fo grozer vnde
 12,76 Vf vns durch vnser fvnde
 12,77 an difme ftvrme íft gefant
 12,78 Wol wir di not han volant
 12,79 So ful wir alle schrien
 12,80 an gotes muter marien
 12,81 Di durch vns den namē treit
 12,82 “Mvter der barmhēzekeit”
 12,83 Di íft vns ein gewiffer bote
 12,84 nach helfe zv dem gutē gote
 12,85 Vñ mac wol semften vnser not
 12,86 Daz volc sich do gemeinlich bot

12,87 an di edeln gotes brut
 12,88 Sie fchrieten alle uber lut
 12,89 nach helfe di vrouwen an
 12,90 als des nicht lange was ergan
 12,91 Secht do liez aber fchouwen
 12,92 Di vrouwe ob allen vrouwen
 12,93 Daz ir helfe ift gereit
 12,94 Den· die mît innekeit
 12,95 Si getrulichen loben
 12,96 Vf dem mafte dar enboben
 12,97 Ein vakeln liecht fo fchone quā
 12,98 Daz di trube gar benam
 12,99 Di fîch e· ob dem fchiffe truc
 12,100 Vil witen fîch alvmme fluc
 12,101 Daz liecht von dem mafte
 12,102 Bi difme fchonen glafte
 12,103 Gefahen fie nv alle wol
 12,104 Des wart ir hîze vreuden vol
 12,105 Die grozen ftvrm wînde
 12,106 Die e· mît voller fwînde
 12,107 Vf dem fchiffe lagen
 12,108 Vnd der vnden vlagē
 12,109 Begonden fîch wol neîgen
 12,110 Die vorchtigen die veigen
 12,111 Wurden erquîcket vñ vro
 12,112 Vil lînde wart ir weter do
 12,113 Vñ als der morgen uf trat
 12,114 Do quā daz fchif an daz ftat
 12,115 Da hîn ir wille was gewant
 12,116 Vurwar wart in do bekant
 12,117 Daz fie in cleîner wile
 12,118 Manige ftarke mile
 12,119 Gerichte waren zv bekvmen
 12,120 Des libes vñ des gutes vrūmen
 12,121 Dancten fie der vrouwen gut
 12,122 Wand fie waren wol behut
 12,123 Von ir· als offenlich wart fchîn
 12,124 Des fî gelobet di kvnigîn

13,1 Alleîn ez eifche daz recht
 13,2 Daz eîn ieglich gotes knecht
 13,3 Si alle zit gebvnden
 13,4 Vnd ouch in allen ftvnden
 13,5 Dar zv daz er marien lobe
 13,6 Idoch fâl er behalden drobe
 13,7 Den fvnnabent albefvnder
 13,8 Dvrch eîn fchone wunder
 13,9 Daz ift in eîner ftat alda

13,10 Constantinopolitana
13,11 also ist si genant
13,12 Sie machent werlich bekant
13,13 Die gewesen sint dar bi
13,14 Daz ein mvnster alda si
13,15 Gewihet in vnser vrouwē namē
13,16 Nach der vrouwē lobefamen
13,17 Dar in ein bilde ist gefat
13,18 So offenbar an ein stat
13,19 Daz die man vñ die vrouwen
13,20 Daz bilde mvgen schouwen
13,21 Swēne ez in wirt gewifet bloz
13,22 Si hat daz kint in der schoz
13,23 als der meister wolde
13,24 Von varwe vñ von golde
13,25 Ist dran geleit michel ruch
13,26 Ein edel breit sydin tuch
13,27 Vor dem bilde hanget
13,28 Niman daz erlanget
13,29 Der ez turre grifen an
13,30 Vñ icht gezihen so hin dan
13,31 Oder mvge beschouwen
13,32 Daz bilde vnser vrouwen
13,33 Dan als di stvnde gelit
13,34 Daz sichz selbe schouwen git
13,35 Vritages nach der none
13,36 als di fvnne schone
13,37 Sich neiget an ir vnderganc
13,38 Vñ mā hebet den gefanc
13,39 Daz vnser vrouwē vesper ist
13,40 Zhant in der selben vrift
13,41 Pflit sich daz tuch uf erheben
13,42 Dikein mēsche kan entfēben
13,43 Wer ez zihe· vñ wer ez halde
13,44 ane allerhande valde
13,45 Ez von im selber vf get
13,46 Daz bilde also bloz stet
13,47 So mac ez schouwē wer da wil
13,48 Wand ez stet bloz ein langez zil
13,49 Vntz uf den fvnabent hin
13,50 an der vesper begin
13,51 Di da horet an den fvntac
13,52 Zhant man aber schouwē mac
13,53 Wi sich daz tuch nider let
13,54 Vñ daz bilde vber vet
13,55 Bedecket vnde behullet
13,56 Vntz sich di woche ervullet
13,57 Daz der vritac ist kvmen

- 13,58 So wirt daz tuch vf genvmen
 13,59 Vntz an den fvnnabent fider
 13,60 Nach none let ez sich dar nider
 13,61 Hi fal man fchouwen inne
 13,62 Wi di kvniginne
 13,63 Durch daz felbe wunder
 13,64 Den fvnnabent befvnder
 13,65 Von vns wil geeret wesen
 13,66 Swer ewiclichen wil genesen
 13,67 Vn dort di vrouwe fchouwen
 13,68 Der habe ot lieb di vrouwen
 13,69 Vn wende ir dienstlichen *mut*
 13,70 O· ia ist fi also gut
 13,71 Daz ir vmazen wol tut
 13,72 als wir von ir fin behut
 13,73 Vn vns in iren dienst zihen
 13,74 Swer allem leide wil entvlien
 13,75 Vn in alle vreude kvmen
 13,76 Defwar dem mac fi wol gevrum[en]
 13,77 Mit irre fchoz der mildekeit
 13,78 Si ist ein wec der sicherheit
 13,79 Vn ein gewis leitetern
 13,80 Si ist grozer fuze ein kern
 13,81 Di himel keiserinne vri
 13,82 Ist iren vrunden stete bi
 13,83 In noten· daz wol vuge hat
 13,84 Vf gantze helfe get ir rat
 13,85 Si kan die vrunt bedenken
 13,86 Vn ir herze trenken
 13,87 Mit liebe· vn ervuchten
 13,88 Si kan den fin erluchten
 13,89 an hitze grozer tugende fchin
 13,90 Des fi gelobet di kvnigin

 14,1 NOch fult ir horen vurbaz
 14,2 Wi daz genaden riche vaz
 14,3 Maria di vil gute
 14,4 Di edele wol gemute
 14,5 Genade al vol guzet
 14,6 Des fi nicht verdruzet
 14,7 allen den· die iren namen
 14,8 Den erlichen lobefamen
 14,9 Getrulichen nennen
 14,10 Vn fi da vur erkennen
 14,11 Daz fi wil helfen vn mac
 14,12 Ez was ein ritter der pflac
 14,13 als noch manic arm ritter pflit
 14,14 Vf dem groz gefinde lit

14,15 Der nicht groze gulde hat
 14,16 Vñ doch nicht gerne lat
 14,17 Er enwolle grozlichen leben
 14,18 Vñ ftete ín dem vollen fweben
 14,19 [D]es mvz er dícke reifen
 14,20 [V]f wítewen vñ vf weíßen
 14,21 [D]en er íft vil bitter
 14,22 *al*fus was der ríttér
 14,23 Zvr werlde gar *ẏ*mezzen
 14,24 Vf einer burc gefezzen
 14,25 an gefinde vberladen
 14,26 Da mite er tet grozē schaden
 14,27 Vf walden vñ vf strazen
 14,28 Swaz ír darvme fāzen
 14,29 Den was er leider nachgebur
 14,30 Vñ ein alfo herter schur
 14,31 Daz fie mvften fwachen
 14,32 Bi alle difen fachen
 14,33 So hete er eine groze tugent
 14,34 an ím geheget von der iugent
 14,35 Di im zv vreuden vz ergie
 14,36 Nimmer einen tac er lie
 14,37 Er engruzte ie mit lobe
 14,38 Gotes mvter· vñ dar obe
 14,39 Viel er níder an die knie
 14,40 Entweder dort oder hie
 14,41 “aue maria” er sprach
 14,42 Swi vil man ín bekūmert fāch
 14,43 So ennam di vnmvze
 14,44 In nimmer von dem gruze
 14,45 Wand er darinne ftete bleib
 14,46 Da bi er vil vbels treib
 14,47 Vñ was ftete ouch dar an
 14,48 Zeimal folde ein guter man
 14,49 Ein mvnch ane fvnden vlec
 14,50 Wandern vor di burc den wec
 14,51 als ím do geburte
 14,52 Ir gewonheit zv schurte
 14,53 Die vf dem hufe lagen
 14,54 Vñ des amtes pflagen
 14,55 Struten vnde luden
 14,56 Hin níder vz den bvden
 14,57 L*ie* Liefen do die knappen
 14,58 Sie namen ím di kappen
 14,59 Vñ fwaz fie mochtē ím genemen
 14,60 Beide vurchten vñ schemen
 14,61 Was in gentzlich entgan
 14,62 Do bat f*i* der gute man

14,63 Daz sie gotes gedechten
14,64 So vil vñ in brechten
14,65 Vor iren hren· díz geschach
14,66 Ð gute man do zv im sprach
14,67 Swi sie ez heten gar vur spot
14,68 “Herre tu ez nv durch got
14,69 Vñ gewere mich einer bete
14,70 Gebut dazher vur mich trete
14,71 allez din gefinde
14,72 Swaz man des indert vnde
14,73 Vf dirre burc vnder dir
14,74 Sprich daz sie gehoren mir
14,75 Ich wil von gote ein teil in fagen”
14,76 Dem hren wart ez wol behagen
14,77 Er sprach· “din wille sal geschen
14,78 Ich wil gerne hi befehen
14,79 Ob dv icht schaffes gutes vrumē”
14,80 Do hiez er drate vor sich kmen
14,81 allez daz da was gefamt
14,82 Bekūmert oder fvnder amt
14,83 Do daz gefinde vnam
14,84 Des hren wort· zvhant ez quam
14,85 Gefamt vur den mvnch hin
14,86 Sin dvrrchfichtec heilic fin
14,87 Enfach nicht den er iagete
14,88 Zvme herren er do fagete
14,89 “Sie enfint nicht kmen alle
14,90 Ob ez dir wol gevalle
14,91 So laz der knechte war”
14,92 Do sprach gemeinlich di schar
14,93 “Defwar dv tuft vns vnrecht
14,94 Ieglichē vnfers hren knecht
14,95 Machtu schouwen alhi stan”
14,96 Do sprach zv in der gute man
14,97 “Ey nv habet ez nicht vur spot
14,98 Get fuchet durch den richen got
14,99 Wan hi gebrichet etewes”
14,100 Do rief zv im vnder des
14,101 alfus ir einer von der schar
14,102 “Ia werlichen dv haft war
14,103 Der kemerer mines herren
14,104 Machet vns disen werren
14,105 Wand er sich heimlich hat behut”
14,106 “Ia” sprach der mvnch gut
14,107 “Der ist ez den ich wolde haben”
14,108 als des der herre hete entfaben
14,109 Er hiez in drate brengen
14,110 Der kemerer wart do lengen

14,111 Den wec· wand er vngerne quam
14,112 als ím do wol gezam
14,113 Idoch wart er bracht zvr rote
14,114 Do er den guten mvnch ín gote
14,115 Vnder ougen gefach
14,116 Vber rucke er sich brach
14,117 Daz er ein teil besit weich
14,118 Sin antlitze wart im bleich
14,119 Daz gefichte er verkarte
14,120 Sin houbt also gebarte
14,121 als eine der nicht sinne hat
14,122 Vn enweiz wi er gat
14,123 Do sprach der gute man zu im
14,124 “Hore mich knappe· vn vnm
14,125 Du falt dich billich vor mich schamē
14,126 Ich gebiete in iev cristi namen
14,127 Dem ich bin gehorfam
14,128 Daz du nu mir list alsam
14,129 alhi an disen fachen
14,130 Du falt uns kvnt machen
14,131 Offenlich du schanden vaz
14,132 Waz du list· vn durch waz
14,133 Du hi so lange list bliben
14,134 Vn waz du woldest han getriben
14,135 Daz faltu gar uns wizen lan”
14,136 als diz gesprach der gute man
14,137 Der kemerer di rede wac
14,138 So ho daz er ir erschrac
14,139 Vn fi in grobelich mvte
14,140 als ein vie er lute
14,141 an engelstlicher stimme
14,142 Er schrei in eine grime
14,143 Vber lut vil fere
14,144 “Wafen immer mere
14,145 Daz dich din wec ie her getruc
14,146 Ich bin gebunden so genvc
14,147 Von dir· daz ich den luten
14,148 Mvz alhi bedeuten
14,149 Waz ich bin· vn waz ich iage
14,150 Owe swan ich daz gefage
14,151 Da han ich nicht gewines an
14,152 Ich bin ein tuvel· nicht ein man
14,153 In eines menschen bilde
14,154 Ich mich alhi vwilde
14,155 Vnde bin gewesen alvurwar
14,156 Bi dem ritter vierzehen iar
14,157 als er ouch wol selber weiz
14,158 Sines dienstes ich mich vleiz

14,159 Wand ez mîr geboten was
14,160 Vnfe meifter fathanas
14,161 Hat mîch zv im da her gefant
14,162 Wand er mît fvnden ift geblant
14,163 Der er vil vñ vil begat
14,164 Eíne tugent er an im hat
14,165 Di er let an im fchouwen
14,166 Wand er di grozen vrouwen
14,167 Gruzen pfliget alle tage
14,168 Daz ift mîr von im eín clage
14,169 Vñ eín alzuherte leit
14,170 Daz er der gewonheit
14,171 So ftete fich hat an genvmen
14,172 Ich bín alfo zv im kvmen
14,173 an welchem tage ez were
14,174 Daz er den gruz ṽbere
14,175 Des er pflit der vrouwen
14,176 So folde ich im verhouwen
14,177 Sín leben· vñ erwurgen ín
14,178 nv fínt die iar alle hín
14,179 Daz er nie liez eínē tac
14,180 als ich leider fprechen mac
14,181 Er enviele an den gruz
14,182 Hi von als ich bekennen mvz
14,183 Swi ez mîr fal werden arc
14,184 So wart er keín mîr alfo ftarc
14,185 Daz ich mît leide im nícht enquā”
14,186 Do fus der ritter vernam
14,187 [We]r dirre was· vñ wes er pflac
14,188 [So] fere im fín h̃ze erfchrac
14,189 [Da]z er weníc wefte
14,190 [W]elch im was daz beſte
14,191 [Id]och do er fich verfan
14,192 [E]r viel vor den guten man
14,193 [L]anges an di erde
14,194 “Hilf herre daz ich werde”
14,195 [S]prach er· “des argen wíhtes vri
14,196 Min leben fi ouch fwi ez fi
14,197 Ich wil nach dínem rate
14,198 Mich enprechen drate
14,199 Von dem armen lebene
14,200 In dem ich fo vnebene
14,201 alzv lange bin beſtan”
14,202 Do fpfach der mvnch der gute man
14,203 “O· bofer kemerere
14,204 Valſch· vnd vngewere
14,205 In dem namen íefu críſtí
14,206 Sal díſe burc dín wesen vrí

14,207 Vare hín du bofer geift
 14,208 Mit diner argen volleift
 14,209 In den ewigen haz
 14,210 Dir fi verboten vurbaz
 14,211 Daz dv immer tvrreft kvmen
 14,212 Zv des menschen vnvrumen
 14,213 Daz da pflit fchrien
 14,214 nach helfe an marien
 14,215 Mit dínem vientlichen schaden
 14,216 Sal ez gar fin vnvladen
 14,217 Dvrch di edeln vrouwē gut
 14,218 Di mít rechter demut
 14,219 Ir truwe dar uf hat gewant”
 14,220 Der kemerer do verfwant
 14,221 Daz fin níman wart gewar
 14,222 Der h̄re· vñ daz gefinde gar
 14,223 Bezzerten sich fere
 14,224 Nach des mvnches lere
 14,225 Wandelte ieglich fín leben
 14,226 Do wurden wider ouch gegeben
 14,227 Dem guten manne fine cleit
 14,228 Mit tugentlicher arbeit
 14,229 Hete er sie verdienet wol
 14,230 Er was ouch grozer vreuden vol
 14,231 Wand der arge fathanas
 14,232 Vf der burc geschendet was
 14,233 Sus quam er zv den brudern fin
 14,234 Des fi gelobet di kvnigin

15,1 Zv der werlde edel ein man
 15,2 alfulchen willen gewan
 15,3 Daz er durch got wolde leben
 15,4 Reíne. vnde sich begeben
 15,5 Dirre wille vollen gienc
 15,6 Den grawen orden er entpfienç
 15,7 In dem clostere cytes
 15,8 Die mvnche sich v̄fvnnen des
 15,9 Daz dem edeln herren gut
 15,10 Nicht vugete ein fulche demut
 15,11 Daz er ein convers were
 15,12 Da was in ouch daz fwere
 15,13 Daz er were in der pfafheit
 15,14 Wand im gentzlich was v̄feit
 15,15 alle pfefliche kvnft
 15,16 Der gute man was in der brunft
 15,17 Daz er nicht en achte
 15,18 Swaz man vz im machte
 15,19 Die pfaffen wurden des ín ein

15,20 Er folde wesen ir gemein
15,21 Vnde noch di schrift leren
15,22 alſus wolden ſie eren
15,23 Sîn anegeborene edelkeit
15,24 Im wart di schrift vur geleit
15,25 Vñ ein meifter gegeben
15,26 So was er vor al sîn leben
15,27 In ritters wîs worden alt
15,28 Vñ was der sîn in im kalt
15,29 Zv dirre nuwen lere
15,30 an manigerhande kere
15,31 Sîn meifter im do vor las
15,32 Daz vmb fuſt doch an im was
15,33 Wand in di kvnſt nîcht entraf
15,34 alle die ſinne im waren ſlaf
15,35 Der er zvr kvnſt nicht enwîelt
15,36 Nîwan die zweî wort er behielt
15,37 aue maria vñ nicht me
15,38 Swi ez im ſelber tete we
15,39 So wolde ot nicht di kvnſt in in
15,40 Diz ergreif sîn herter sîn
15,41 Daz ouch als mît buchſtaben
15,42 Im in sîn hîze was ergraben
15,43 “aue maria” ſprach er ie
15,44 Swaz er tet vñ ſwa er gie
15,45 So ſprach er ie die zweî wort
15,46 Got aller felden ein volbort
15,47 Vñ rechter tugende ein minne
15,48 Lîez der herten ſinne
15,49 Den ritter nîcht entgelden
15,50 Er wolde im wol v̇gelden
15,51 Di werlt di er dvrch in lie
15,52 Do im sîn leben abe gie
15,53 Er ſtarb· vñ wart begraben
15,54 Dar nach vil ſchiere wart entſaben
15,55 Eînes zeichens dar an
15,56 Den brudern kvnt wart getan
15,57 Wî im vergolden was sîn habe
15,58 Ein lilie wuchs vz ſime grabe
15,59 Di vf an ſchonen blvmē trat
15,60 an ein ieglichez blat
15,61 Was von goltbuchſtaben
15,62 auemaria erhaben
15,63 Des nam die brudere wunder
15,64 Vñ gruben alhîn vnder
15,65 Do ſie quamen vf den grunt
15,66 Sie fahen im in ſinē mvnt
15,67 Do was di wurtz der blvmen

15,68 Entsprungen vf dem gvmen
 15,69 In des menfchen mvnde
 15,70 Ieglicher do begynde
 15,71 Wunder alda fchouwen
 15,72 Vñ marien der vrouwen
 15,73 Danken dirre grozen gift
 15,74 Vñ der wunderlichen ftift
 15,75 Dar an fi wifete íren knecht
 15,76 “Eya” fprachen fie “nv fecht
 15,77 Ez íft vns offentlich wol kvnt
 15,78 Daz er von allez herzen grvnt
 15,79 Sprach mit grozer innekeit
 15,80 Der zweier worte reinekeit
 15,81 Dar an er tet daz beſte
 15,82 Vñ mit willen veſte
 15,83 Wolde er an der vrouwē libe fin”
 15,84 Des fi gelobet di kvnigin

16,1 Eín meler hete fcharfen fin
 16,2 Vf fin amt dvrch gewin
 16,3 Dar abe er erlich ſich betruc
 16,4 Den fin er veſteclichen fluc
 16,5 Mit liebe vf vnſe vrouwen
 16,6 Daz liez er dicke fchouwen
 16,7 an tugenden mít den er ranc
 16,8 Nv malte er einē v̄mehanc
 16,9 Dar an ſich geburte
 16,10 als daz recht willekvrtē
 16,11 Di kvnigin di milde
 16,12 Vñ ouch des tuvels bilde
 16,13 nach der materien v̄meſweif
 16,14 Der meler an di kvnft greif
 16,15 Mit vlize an allem finne
 16,16 Malte er di kvniginne
 16,17 So er beſt immer konde
 16,18 Dar nach er begonde
 16,19 Den tuvel ouch dvrch ſtrichen
 16,20 Er liez ím ních entwíchen
 16,21 Swaz er kvnft mochte haben
 16,22 Vntz er der forme hete entſaben
 16,23 Vf daz hoeſte vngeltalt
 16,24 Des wart der tuvel harte balt
 16,25 Vor zorn als fin erge ín twanc
 16,26 Vur den felben v̄mehanc
 16,27 Quam er zv dem guten man
 16,28 “Ey” fprach er “nv fage an
 16,29 Daz wolde ich gerne wízzē
 16,30 Dvrch waz biſtu vervlizzē

16,31 Vf der vrouwen bilde
 16,32 Daz dv mît ſchoner milde
 16,33 Si macheſt alfo vlizeclîch
 16,34 Vñ alfo vngeſtellet mîch
 16,35 Maleſt· als ich wol ſprechen mac”
 16,36 Der gute man ein teil erſchrac
 16,37 [I]doch ermannete er drate
 16,38 Zv kegen der vnvlate
 16,39 Vil ſmelichen er do ſprach
 16,40 “Defwar dv biſt alfo fwach
 16,41 So boſe vnde ſo eiflich
 16,42 Konde ich noch wîrs gemalen dîch
 16,43 Daz ieſche an dir daz recht wol
 16,44 So iſt min vrouwe tugende vol
 16,45 alfo ſchone vñ alfo gut
 16,46 Daz ſi mit aller kvnſt mín mvt
 16,47 Sal malen vf daz beſte
 16,48 Ob ich icht ſchoners weſte
 16,49 Dan ich gemalet han alhie
 16,50 Daz wolde ich legen noch an ſie
 16,51 Dvrch ir wîrdeclichez loben”
 16,52 Der tuvel wolde mît im toben
 16,53 Vñ in werfen her dan
 16,54 Secht do wart der gute man
 16,55 an vnſe vrouwen ſchrîen
 16,56 Daz bilde von marien
 16,57 Vor im an des tuches want
 16,58 Racte im hîn di rechten hant
 16,59 Vñ enthielt in enpor
 16,60 Do vloch der tuvel balde vor
 16,61 Vñ liez den man an vride ſîn
 16,62 Des ſi gelobet di kvnîgîn

17,1 Ein cloſter hof ſo wite was
 17,2 Daz beide bov̄m vñ gras
 17,3 Darinne ſtv̄nden gen̄vc
 17,4 Wand ſich verre alv̄mme truc
 17,5 Sin v̄merînc vñ ſîn ganc
 17,6 Ein vlutec wazzer nâ den fwanc
 17,7 Dvrch den hof al in mîten
 17,8 Dar abe nach gewenten ſiten
 17,9 Die lute luſt entphîengen
 17,10 Ein teil mv̄nche giengen
 17,11 Dvrch ir luſt ſo hîn zv
 17,12 Eines morgens alzv vru
 17,13 Vñ ſtv̄nden bi des wazzers louf
 17,14 Sie gaben couf vñ couf
 17,15 Schîmf rede vnde itele wort

17,16 Der von ín vil wart gehort
 17,17 Daz in der zít nicht hete vuc
 17,18 Diwile sich diz wechfel fluc
 17,19 an vil iteln Worten
 17,20 Die mvnche alle horten
 17,21 Ein schif daz wazzer uf kvmen
 17,22 als sie heten ṽnvm̃en
 17,23 Offenlich den ruder flac
 17,24 Ein ir ieglich erschrac
 17,25 Ṽn vrageten fā der mere
 17,26 Wer darinne were
 17,27 “Wir sīn tuvele” sprachen sie
 17,28 “Ṽn vuren des mēfchen fele hie
 17,29 Der dort zv fente gallen
 17,30 Prabest was ob ín allen
 17,31 Ṽn zv eime houbte gefat
 17,32 Wand er nach vñsen willen trat
 17,33 In der fvnden haken”
 17,34 Die mvnche fere erschranken
 17,35 Sie begonden allen schrien
 17,36 nach helfe an marien
 17,37 “Sente maria ñv hilf vns”
 17,38 Sie liefen von des baches rvns
 17,39 Daz sie icht arges griffe
 17,40 Die tuvele ín dem schiffe
 17,41 Schrieten nach ín vf ir vart
 17,42 “Defwar ir habet uch wol bewart
 17,43 Daz ir riefet di vrouwen an
 17,44 Enwere des selben nicht getan
 17,45 So hete wir uch ertrenket
 17,46 Ṽn ín den grvnt ṽfenket
 17,47 Wand ir wilde mvnche sit
 17,48 Ṽn alhi vz der rechten zít
 17,49 Kegen des ordens gebot
 17,50 Tribet itelichen sp̃ot
 17,51 Ṽn dar zv vnnvtze wort
 17,52 Dar an mit valsche ir sit bekort
 17,53 Durch des h̃zen itelkeit”
 17,54 als sie daz heten vollen feit
 17,55 Do vuren sie ir straze
 17,56 Die mvnche hielden maze
 17,57 Von fulcher rede· ín fulcher zít
 17,58 Der man zv vnrechte pflit
 17,59 Gotes mvter dancten sie
 17,60 Di in ir truwe bot alhie
 17,61 Ṽn wart in rechter not ín schín
 17,62 Des si gelobet di kvnigin

18,1 Zvr werlde was ein guter man
18,2 Der mît vlize began
18,3 Trachten uf di itelkeît
18,4 als di cranke werld treît
18,5 Daz fi nîmannes schonet
18,6 Glich ín allen lonet
18,7 Den rîchen vñ den armen
18,8 ane allerhande erbarmen
18,9 Ift ir lon der herte val
18,10 In den tot hín zv tal
18,11 Ez ge dar nach ouch fwi ez ge
18,12 Dem guten manne tet vil we
18,13 Daz maníger ir getruwete
18,14 Vñ uf di werlt buwete
18,15 als er ímmer folde leben
18,16 Der gute man wolde ergeben
18,17 Sich von der werlt· vñ erva bewarn
18,18 Den willen liez er vollen varn
18,19 Vñ vur in eíne wufte
18,20 Vfdaz er alda mvfte
18,21 In der eínote rvn
18,22 Vñ mît ím fínē willen tvn
18,23 an wachen· vaften· an gebete
18,24 Zvr werlde er vil gutes hete
18,25 Wan er was riche eín ríttér
18,26 Diz wart im allez bítter
18,27 Beide herfchaft vñ gut
18,28 Dvrch got wolde er armut
18,29 Hi uf erden liden
18,30 Vñ gar di luft v̇míden
18,31 Swaz ir di werlt fchenkē pflit
18,32 Er was ín der erften zit
18,33 Vil heiz· als man ouch hute
18,34 Víndet maníge lute
18,35 Die zvmerften brínnen
18,36 Wol vefte ín gotes mînnen
18,37 Dvrch der confciencien tur
18,38 Di fie wol berigeln vur
18,39 Vnd an der wite mazen
18,40 Vñ nicht da dvrch lazen
18,41 Sie enwollen ez e· reinen
18,42 Des mvgen fie wol weínen
18,43 Wand in ift fuze di vlut
18,44 Gebet· wachen· fwaz man tut
18,45 Dar uf ift man v̇vlizzen
18,46 Dar nach als díe gewizzen
18,47 Ein teil beginnent vulen
18,48 Wand fi an ir tor fulen

18,49 Rucken ín di wite
18,50 Daz wol hín durch glíte
18,51 Bewilen eín míchel stücke
18,52 So kvmt daz vngelucke
18,53 Daz itele wort werden balt
18,54 Vñ daz herze an genaden kalt
18,55 Hivon fo hebet sich vngedult
18,56 Des h̄zen bvrne wirt gevult
18,57 Mit erden an der werlde haft
18,58 Hi von zv rínnet di craft
18,59 Der alden herzen ftoze
18,60 Der bach der ougen vloze
18,61 Ift fín vrfprinc vertreten
18,62 als der menfche folde beten
18,63 In rechter h̄tze daz ift kalt
18,64 Wand der fvn̄nen gewalt
18,65 Ift mît wolkene vndernv̄men
18,66 Darv̄me dicke zv ím kvmen
18,67 Wínde· fne· vnde regen
18,68 Die ím befv̄ln daz herze pflegen
18,69 Nach der viende willekv̄rn
18,70 Hi von fal ieglicher fpvr̄n
18,71 In tugentlicher wende
18,72 Daz begín vnd daz ende
18,73 Wí er sich habe gevlizzen
18,74 In ím der gewízzzen
18,75 Swa di enger an ím was
18,76 In der zit er baz genas
18,77 In ím von bofen geften
18,78 Swer sich noch wil veften
18,79 Der fal mît gote vride han
18,80 Nv fprechen dort von ienē man
18,81 Der was zvmerftē heíz gnvc
18,82 Wand er groze liebe truc
18,83 an got· vñ an di hím̄el rote
18,84 Idoch fo hete er nach gote
18,85 Groze liebe an maríen
18,86 Vil dicke pflac er fchrien
18,87 In alle fínes herzen gír
18,88 Mit fíme lobe hín keín ír
18,89 Durch rechte liebe er des pflac
18,90 Dar nach uber manígen tac
18,91 Begonde er eín teíl lazzen
18,92 Vñ liez sich vndervazzen
18,93 an dem herzen mît vulheít
18,94 Da vor was heíz di ínnekeit
18,95 Di was nv laz vnde kalt
18,96 Di confciencia ín nícht fchalt

18,97 Wand fi was wider worden
18,98 Vmb den verkarten orden
18,99 Wolde fi in nicht strafen
18,100 Dicke wart er flafen
18,101 Vn an gebete erstvrende
18,102 Do sprach er also flvrende
18,103 Sin gebet vn verhouwen
18,104 Der vulheit finer vrouwen
18,105 Wart daz gebet also toub
18,106 Vil dicke er ez ouch vf schoub
18,107 Vntz hin an den andern tac
18,108 Do er diffes gepflac
18,109 Eine wile nach gewonheit
18,110 Vn wolde mit der vulheit
18,111 Zv verre vz tugende vliezen
18,112 Secht do liez in geniezen
18,113 Maria di vil gute
18,114 Daz er in finen mute
18,115 Befvnder finer liebe ir iach
18,116 Vn fin hze nach ir brach
18,117 Si fante im dri epfele hin
18,118 Vil missewant vnder in
18,119 Einer von dem andern schein
18,120 Ein apfel was gar vnrein
18,121 Der ander grvne abe genvmen
18,122 So was der dritte vollenkvmen
18,123 Beide schone vnde rif
18,124 Ein engel sprach: "nv grif
18,125 Dise epfele alle in dine hant
18,126 Sie hat maria dir gefant
18,127 Di tugende vol di milde
18,128 Dir zv einen bilde
18,129 Waz man dir lones sal geben
18,130 alhi vmb din hte leben
18,131 Daz doch entzwei vre treit
18,132 als der epfele vnderfcheit
18,133 Der erste ist vul von vnvlut
18,134 Der wol eben maze hat
18,135 Der zit diner innekeit
18,136 Di dich neiget an vulheit
18,137 Vnde vnvetec machet
18,138 Da von ist gefwachet
18,139 Vil an diner crone
18,140 an diner tugende lone
18,141 Mvz dir da von abe gan
18,142 So sich den andern apfel an
18,143 Der ist vil vnzitec
18,144 also bistu gitec

18,145 Du leſt di zit entſlifen
 18,146 Vñ wilt andere grifen
 18,147 Vur diſe di dir iſt entgan
 18,148 alſo mac ez nîcht beſtan
 18,149 Ein getruwer gotes knecht
 18,150 Gebe ieglicher zit ir recht
 18,151 Da ez mit rechte ſîn mac
 18,152 Der apfel iſt vil vngeſmac
 18,153 Den man vnzítec brichet
 18,154 Sû ſîn gebet ſprichet
 18,155 In rechter zit mît andacht
 18,156 Daz wîrt vor vnfern hîren bracht
 18,157 Dem mēſchen zeîme hoen vrûmen
 18,158 Dazmeînet der apfel vollenkvmen”
 18,159 Hi mîte nā di rede eîn ort
 18,160 als der eînfidel hete erhort
 18,161 Di heiligen manvge
 18,162 Do wart eîn wandelvnge
 18,163 an alle ſîme lebene
 18,164 Er gienc me vurbaz ebene
 18,165 Vulheit vñ vnrechte zit
 18,166 Trat von im hin beſit
 18,167 Vñ wart an im vhouwen
 18,168 Sîner lieben vrouwen
 18,169 Dancte er mît allē vlize me
 18,170 Wand ſi getruwelichen e
 18,171 Bereffente daz leben ſîn
 18,172 Des ſi gelobet di kvnigin

19,1 IN fvnden eîn menſche lac
 19,2 Daz doch da bi ð tugēde pflac
 19,3 Da von got eî menſch· beiaget·
 19,4 Mariā di kvſchen maget
 19,5 Hete er lieb befvnder
 19,6 nv vugete ſichz hi vnder
 19,7 Daz got dvrch ſîne gute
 19,8 Des menſchen gemute
 19,9 Zv rechtem wege beluchte
 19,10 Den menſchen ſus beduchte
 19,11 Wi er nach todes gebote
 19,12 an daz urteil vor gote
 19,13 Were gentzlich bekvmen
 19,14 Sich hete nîtlich an genvmen
 19,15 Daz Der tuvel· daz er bi in trat
 19,16 Vñ vber in gerichtes bat
 19,17 nach ſîner valſcheit gebot
 19,18 Er ſprach· “alweldiger got
 19,19 Gib mîr dîſen· er iſt mîn

19,20 Wand ich vor den ougen din
19,21 Dín felbes wort dar uf mac haben
19,22 an fíme herzen ergraben”
19,23 Der richter fprach “waz íft daz”
19,24 Do fprach der tuvel vurbaz
19,25 “Du fpreche an cluger wífe
19,26 In dem paradífe
19,27 Swanne ir uch v̇gezzet
19,28 Vñ daz obz ezzet
19,29 So fult ir fterben díz ergie
19,30 Nv ftet díre menfche alhíe
19,31 Von dem kvnne geborn
19,32 Dem du den tot haft gefworn
19,33 Noch habe ich eín vrkvnde
19,34 Wand er ín grozer fvnde
19,35 Wol drízec iar íft gelegen
19,36 Der er vil hat gepflegen
19,37 Vñ wolden lazen nícht dar abe
19,38 Daz dritte vrkvnde ich ouch habe
19,39 Daz ich alfo bewífe
19,40 Ob er an tugende prífe
19,41 Da bi icht gutes habe getan
19,42 So wil zvfamne lan
19,43 Daz bofe vñ daz gute
19,44 In fínes herzen mvte
19,45 Nímt daz bofe vberhant
19,46 Des fal er billich fín gefchant
19,47 Vñ alfus haftu nicht an im”
19,48 Do fprach der richter “nv v̇nim
19,49 Waz er dar zv wolle fagen”
19,50 Ð menfche mvfte gar gedagen
19,51 Vor grozer fchemde leide
19,52 Do fprach anderweide
19,53 Der richter “wir fuln ez lan
19,54 acht tage alvme ftan
19,55 E· man ín verfenke
19,56 Ob er noch icht gedenke
19,57 Waz er wider rede habe”
19,58 Do gienc vil truric her abe
19,59 Ð felbe mēfche· vñ vnderwegen
19,60 Gienc ím eíner engegen
19,61 Ð vragete in fa der mere
19,62 Warvme er leidec were
19,63 “Owe” fprach er “ich bin vnvro”
19,64 Vñ vnderfchiet im alfo
19,65 Wi ím dru fcharfe ftucke
19,66 Vf fín groz vngelucke
19,67 Der tuvel hete vor geleít

19,68 Vnd im were vngereit
 19,69 Wi er da von enpreche sich
 19,70 Iener sprach· “enruche dich
 19,71 Ich bin di warheit genant
 19,72 Vn wil vur dich alzvphant
 19,73 Des ersten stucket rede geben”
 19,74 als der fvnder gienc beneben
 19,75 Ein ander im do wider vur
 19,76 Der im vefteclichen fwur
 19,77 Er wolde im zv gelucke
 19,78 Wol daz andere stucke
 19,79 Hin legen in rechter wilheit
 19,80 “Min name ist di gerechtekeit”
 19,81 Sprach er· “vn ich han wol di macht”
 19,82 Des achten tages wart er bracht
 19,83 aber vur gerichte· als e·
 19,84 Der tuvel nach urteile schre
 19,85 Vber in· vmb daz erste leit
 19,86 Do sprach zv im di warheit
 19,87 “Du haft im di schult gegeben
 19,88 Er si vlorn vm daz leben
 19,89 Daz mit vluche namen
 19,90 alle kint von adamen
 19,91 Do er brach gotes gebot
 19,92 Vn az den apfel wider got
 19,93 Dar abe im got den tot gehiez
 19,94 Da er in fit ouch in stiez
 19,95 Der traf den lib· nicht den geist
 19,96 Vn da von als dunv feist
 19,97 Ist vmb fuft di fache
 19,98 Des felben todes fwache
 19,99 Gab ot uf den lib den vluch
 19,100 Des mvz er durch den vnruoh
 19,101 Werden zv eime stoube
 19,102 Hi mite ich wol betoube
 19,103 Vf in di erste fache alhie”
 19,104 Di gerechtekeit do hine gie
 19,105 Vn sprach “alda so wil ich
 19,106 Des andern vndwinden mich
 19,107 Du haft gesprochen offenbar
 19,108 Er habe dir wol drizec iar
 19,109 Gedient· an grofyn fvnden
 19,110 So wil ich da bi kvnden
 19,111 Daz beide hi vn ouch da
 19,112 In im di consciencia
 19,113 [M]vrmelte an der ruwe
 19,114 Vn daz wart dicke nuwe
 19,115 Mit der bichte der er pflac”

19,116 Der tuvel leitlich sich erwac
19,117 Der zweier stücke die im flecht
19,118 Gemachet hete wol daz recht
19,119 Idoch daz dritte greif er an
19,120 Vor den fvndigen man
19,121 Ensprach do weder der noch der
19,122 Do sprach der richter “brenget her
19,123 Eine wage· vñ lat wegen
19,124 Wes er me hat gepflegen
19,125 Des guten oder des argen”
19,126 Der fvnder wart do kargen
19,127 Wand in sin h̄ze an leide fneit
19,128 Warheit· vñ gerechtekeit
19,129 Sprachen heimlich wider in
19,130 “armer mēsche louf balde hin
19,131 Zv marien der vrouwen
19,132 Bit si wollen schouwen
19,133 Dín armut· vñ ir gute
19,134 Ir tugentlich gemvte
19,135 Ist so milde. vñ also gut
19,136 Daz si dir ie helfe tut
19,137 Si ist der truwe wol gewon
19,138 Vñ v̄mac sich wol da von
19,139 Wand si den edeln namē treit
19,140 Mvter der barmh̄zekeit”
19,141 Der arme fvndere
19,142 Mit fines herzen fwere
19,143 Viel vur der vrouwen vuze
19,144 “Ey” sprach er “du vil fuze
19,145 Du milde dv getruwe
19,146 Laz an mır werden nuwe
19,147 Daz dv bist bezzer danne gut
19,148 Wand mir so rechte we tut
19,149 Sal man mīch verteilen
19,150 Dv macht mīch vrouwe heilen
19,151 Mit dīner tugende gewalt
19,152 Ez ist vmb dich also gestalt
19,153 Daz dv mır macht helfe lan
19,154 Vrouwe mvter sich dar an
19,155 Daz dv vns fvndigen luten
19,156 Zv rechte falt bedeuten
19,157 Vñ dín lob den namen treit
19,158 Muter der barmherzekeit
19,159 Hilf mır vrouwe hilf mır nv
19,160 Wand mır allez iamer zv
19,161 Get· in der ewígen hitze
19,162 Ob dv dín gut antlitze
19,163 Von mır wollest keren

- 19,164 Dv falt dich dar an eren
 19,165 Wand mir din rat gehelfen mac”
 19,166 Hi mite er di vrouwe erwac
 19,167 Daz fi quam bi di wage
 19,168 Mit wol gehufter lage
 19,169 Wart di fynde alzvmale
 19,170 Geworfen in di schale
 19,171 Vn gehufet als ein berc
 19,172 Man leite ouch fine gutē werc
 19,173 In daz andere becken
 19,174 Der tuvel wart zv stecken
 19,175 an fin ende also genvc
 19,176 Daz di schale nider fluc
 19,177 Vn wante im were gelvngen
 19,178 Die guten werc uf fwügen
 19,179 Do nam di iuncvrouwe gut
 19,180 Dvrch iren tugentlichen mvt
 19,181 Vn leite druf ire hant
 19,182 Die bofen werc alzvphant
 19,183 Sach man da ho uf fnvren
 19,184 Die tuvele zv schurren
 19,185 Swaz fie arges konden
 19,186 Dar uber fie begonden
 19,187 Daz fie sich selben hiengen dran
 19,188 Vn wolden zihen her dan
 19,189 Ir teil in di tufe nider
 19,190 Di vrouwe hielt so vafte wider
 19,191 Di schale an wider faze
 19,192 Daz fi in schoner maze
 19,193 Den fynder vri machte
 19,194 Der mensche do entwachte
 19,195 Wand er diz in dem flafe sach
 19,196 Von der werld er sich brach
 19,197 Vn diente vlizeclichen gote
 19,198 In fime heiligen gebote
 19,199 Was er stete vorchtfam
 19,200 Di knigin mariam
 19,201 Mit gantzer vreude er lieb gewan
 19,202 Di also wol helfen kan
 19,203 Den armen die in noten sin
 19,204 Des fi gelobet di knigin

 20,1 VOn der wol gebornē maget
 20,2 Sal vch werden noch gefaget
 20,3 Wi so gut vn vber gut
 20,4 Ist ir tugenthafter mut
 20,5 Vn wi ir tugent vluzet
 20,6 Daz ein mēfche ouch genvzet

20,7 Des andern. daz si lieb hat
20,8 Di hohe irre tugende grat
20,9 Di si in edelm willen treit
20,10 Kan nimer werden oll vollen feit
20,11 Von worte noch von littere
20,12 Horet von eime rittere
20,13 Wi er vremder tugent genoz
20,14 an fime namē was er groz
20,15 Vn an der iugende grvne
20,16 Er was ftoltz vnde kvne
20,17 Vri herzen vn mvtes
20,18 Vnde milde fines gutes
20,19 Den tvrnei felden er vlac
20,20 Da erofte fuchen pflac
20,21 Beide tyuft vnde foreft
20,22 Swa er immer was gewest
20,23 Da iach an in der lute lob
20,24 Wand fine gabe was so grob
20,25 Spilluten vn den vrien
20,26 Daz sie mvften schrien
20,27 Mit offentlichen worten
20,28 Sin lob an allen orten
20,29 Daz sie zu iungeft doch vtruc
20,30 Swi er hete vil genvc
20,31 also lange er vmme vur
20,32 Vn virtet von der fnvr
20,33 Daz er wart metalle bloz
20,34 Sin armekeit wart an im so groz
20,35 Daz er nicht alleine neit
20,36 Di gabe nach gewonheit
20,37 Er wart ouch felbe also fwach
20,38 Daz man in nicht haben fach
20,39 Di notdurft envollen
20,40 Sin herze was gefwollen
20,41 [M]it leide di im vreude nam
20,42 [N]v vugete sichz daz im quam
20,43 [E]in hochzit daz di vriheit
20,44 [S]ich samten nach gewonheit
20,45 Zu im wand er des stete pflac
20,46 [a]ls di hochzit gelac
20,47 Daz er in groze gabe erbot
20,48 Dem rittere wuchs do leide not
20,49 Wand er nicht da weste
20,50 Da mite er die gefte
20,51 Nach gewonheit mochte entphan
20,52 Der vil trurige man
20,53 Di fchande also manicvalt
20,54 Vloch in einen dicken walt

20,55 Da er der hochzît entweich
20,56 alleine er dar in ftreich
20,57 Daz niman wêste wa er quam
20,58 Er hete ein reine wibefnam
20,59 Bewart mit tugentlicher zvcht
20,60 Ires mannes tobefucht
20,61 Daz er fo vil in vnpflec
20,62 Dvrch hochvart gab hin wec
20,63 Daz was ir vmazen leit
20,64 Ire heilige gewonheit
20,65 almvfen vnde gebet
20,66 Mit allen truwen dicke tet
20,67 Ir man gab spilluten hin
20,68 So liez ir tugenthafter fin
20,69 Sich die gotes armen
20,70 Mit milder hant erbarmen
20,71 Maria di vrouwe gut
20,72 Was ir gezogen durch den mut
20,73 Darinne ir liebe stete lac
20,74 Wand si vrolichen pflac
20,75 Ir dienen swa si konde
20,76 Der tuvel ouch begonde
20,77 Di tugent an ir niden
20,78 Wand er nicht mochte erliden
20,79 an ir daz tugenthafte leben
20,80 Dem si wol erlich was ergeben
20,81 Er woldez gerne han verruct
20,82 Vnde si dar vz han gezvct
20,83 Dar uf gedachte er vil tief
20,84 Er man dort in der wulfe lief
20,85 als ein mensche svnder fin
20,86 Do quam der tuvel da hin
20,87 Vn reit bi in in den walt
20,88 Vf einem pferde vngestalt
20,89 Sie waren swartz beide
20,90 Dem rittere wart do leide
20,91 Wand er der gesicht erschrac
20,92 Der tuvel fulcher worte pflac
20,93 Da mite er in wol troste
20,94 Vn von der angeft lofte
20,95 "Waz wirret dir" zv im er sprach
20,96 Der ritter ordenlich im iach
20,97 Waz in von den luten tribe
20,98 Wi er durch armut da blibe
20,99 Biz di hochzît queme hin
20,100 Do sprach der tuvel wider in
20,101 "Daz wandelte ich vil drate
20,102 Ob dv nach minem rate

20,103 Eín dinc woldest an gan
20,104 Daz schiere were doch getan
20,105 Vn ist ouch cleine genve
20,106 Swaz din ere e· nider fluc
20,107 Daz wolde ich mit gute erheben
20,108 Du foldest fulcher ere entfegen
20,109 Daz sich din name nie da vor
20,110 Getruc also ho enpor
20,111 Er enfolde hoer werden nû
20,112 Do sprach im der ritter zu
20,113 "Ich wil tûn swaz du wilt
20,114 Ob sich min armut bezilt
20,115 Von diner helfe als du nû feist"
20,116 Do sprach zu im der ubele geist
20,117 "Daz ist gut so wil ich
20,118 Gutes rîche machen dich
20,119 Vn werltlicher eren sat
20,120 Ganc vû grabe an der stat
20,121 Von silber vû von golde
20,122 Daz din armut wolde
20,123 Des vîndestu da rîchen hort
20,124 Idoch halt mîr din erste wort
20,125 Nû ist min beten kein dir
20,126 Daz du din hufvrouwe mîr
20,127 Wollest bringen·" do sprach er
20,128 "Dar an ervulle ich dine ger"
20,129 Di stat· di zit er im beschiet
20,130 Der ritter do zu hufe schiet
20,131 Vn vant als im gefaget was
20,132 Do zierte er wol sîn palas
20,133 Sîn erbe vû sîn eigen
20,134 Daz sich muoste e· neigen
20,135 Dûrch gut vnder fremde hant
20,136 Daz loste er wider fânzhant
20,137 Er gewan sîn ouch me
20,138 Vn lebete rîchlich als e·
20,139 Von dîme guten coufe
20,140 In des iares loufe
20,141 In rechtem zil anz ende quam
20,142 Daz er sîn edel wibefnam
20,143 Dem tuvele folde bringen
20,144 Dîz wolde er ouch nicht lengen
20,145 als sîn was da vor begert
20,146 Er hiez sateln zwei pfert
20,147 "Wol uf" sprach er zu vrouwen
20,148 als si begonde schouwen
20,149 an des herren mûte
20,150 Daz si fûnder hute

20,151 Solden riten eine
20,152 Do sprach zv im di reine
20,153 “Herre min wa ful wir hin”
20,154 Do fagete er ir wol halben fin
20,155 Sie folden in di wufte
20,156 Vn daz fi mite mvfte
20,157 Ir herze grobelich erquam
20,158 Idoch was fi gehorfam
20,159 Si bevalch in iren mvte
20,160 Sich in marien hute
20,161 Vn reit mit im so hin dan
20,162 Ir herze trat groz angeft an
20,163 Wand ir daz selbe mere
20,164 Wart ie lenger fwere
20,165 Daz fi rurte zv pflege
20,166 Sich geburte an ir wege
20,167 Di vart vur eine capelle
20,168 In vil drater fnelle
20,169 Viel di edele werde
20,170 Nider von dem pferde
20,171 Vnde lief sprechen ir gebet
20,172 alsdi wile fi daz tet
20,173 Vn an vnse vrouwen rief
20,174 Do vugete sichz daz fi entflief
20,175 Maria ir zv helfe quam
20,176 Di fulche forme an sich nam
20,177 an gesteltnisse vn an cleide
20,178 an alles vnderfcheide
20,179 Was an ir der volle schin
20,180 als ob ez di vrouwe folde fin
20,181 Dife lac maria gienc
20,182 Der ritter finen wec do vienc
20,183 Di reinen gotes werde
20,184 Vurte er uf dem pferde
20,185 Biz zv der gelobten stat
20,186 Der tuvel vrolich zv trat
20,187 Vn wante gar gewunen haben
20,188 Mit dem als er hete entfaben
20,189 Wer di was di er brachte
20,190 Mit vlucht er von im gachte
20,191 Vn wart der reise vil vnvro
20,192 Zv dem ritter sprach er do
20,193 “Ey dv vngetruwer man
20,194 Waz haftu leides mir getan
20,195 Mit diner grozen valscheit
20,196 Ich gab dir mine richeit
20,197 an filber vnd an golde
20,198 Swi din herze wolde

20,199 Daz dv mîr brechtes her din wib
20,200 Ich wolde rechen an ir lib
20,201 Mînen zorn mît nîde
20,202 Wand ich von ir lîde
20,203 Vil groze not di fi mîr tut
20,204 an irre kvfchen demut
20,205 Ir almvfen vnd ir bîten
20,206 Mît andern tugentlichen fîten
20,207 Der fi vil hat an ir
20,208 Die erbi ten groz lafter mîr
20,209 Diz wolde ich han erbrochen
20,210 Vñ mich an ir gerochen
20,211 Daz fi michz vurwart hat erlan
20,212 Nv haftu vngetruwer man
20,213 Durch dine valfchen fîne
20,214 Her bracht di kvniginne
20,215 Di mit grozer werde
20,216 In himel vñ in erde
20,217 Ob allen dîngen hat gewalt”
20,218 Diwile er fus den ritter fchalt
20,219 Vñ sich doch vafte von im brach
20,220 Di gute vrouwe zv im fprach
20,221 Mit gewaldes volleift
20,222 “Ey du valfchafter geift
20,223 Wer gab dîr ie den willen
20,224 Daz dv woldest villen
20,225 Min fvnderliche holde
20,226 Di mît truwen wolde
20,227 Sich in mîn dienft neigen
20,228 Nv faltu vurbaz veigen
20,229 Vñ nicht als e· wesen vrî
20,230 In dem namen iefu crifti
20,231 Mines fvnes· fo wil ich
20,232 Daz du balde hebes dich
20,233 Nider in den helle grvnt
20,234 Vñ wirt nîmer vurbaz kvnt
20,235 Den zv leide vñ zv fchamen
20,236 Die nach helfe an mînē namē
20,237 fchrîen· vñ den eren”
20,238 Do began von dannē keren
20,239 Der tuvel mît gebrafte
20,240 Er hulte vmazen vafte
20,241 Durch di gewalt di vf in quam
20,242 als daz der ritter vernam
20,243 Diz wunder an im worchte
20,244 Daz fin ftarke vorchte
20,245 an dem hîzen wart fo fcharf
20,246 Di in von dem roffe warf

20,247 Idoch als er sich v̄fan
 20,248 Do viel der trurige man
 20,249 Vor di gotes werden
 20,250 Langes an di erden
 20,251 V̄n bat di valfcheit im v̄geben
 20,252 Daz er fo torlich wolde leben
 20,253 V̄n mît den fvnden sich v̄fluc
 20,254 Di vrouwe ftrafte in genvc
 20,255 “Ganc” fprach fi “tv dich abe
 20,256 alle der leiden tuvels habe
 20,257 Di dir nîcht gehelfen mvgent
 20,258 Diner hvfvrouwen tugent
 20,259 Saltu geníezen· ob dv noch
 20,260 Von dir fvntlichez ioch
 20,261 Wilt lofen· v̄n des vri wesen
 20,262 So machtu harte wol genefen
 20,263 V̄n tugende gewínnen vil”
 20,264 Hi mite nam di rede eín zil
 20,265 Er reít hín vz dem walde
 20,266 Zv der kirchen balde
 20,267 Da er der vrouwen was v̄zigen
 20,268 Di vant er flafende ligen
 20,269 als fi dvrch tugende vrumen
 20,270 Vor was zv gebete kvmen
 20,271 Des wart der ritter harte vro
 20,272 V̄n wacte gutlich fi do
 20,273 Do er mît ir zv hufe quam
 20,274 allez daz er e· v̄nam
 20,275 Daz machte er gentzlich ír bekant
 20,276 Do wart ouch vmme gewant
 20,277 Sín leben· als er liez schouwen
 20,278 Er volgete finer vrouwen
 20,279 V̄n karte sich uf tugende me
 20,280 Im tet von allem herzen we
 20,281 Daz er der vntugende
 20,282 Da her von finer íugende
 20,283 Leider also vil getreib
 20,284 In gutem lebene er ftete bleib
 20,285 Mit der hvfvrouwen fín
 20,286 Des fi gelobet di kvnígín

21,1 Lat vch me von ír fagen
 21,2 V̄n mît rede vurbaz iagen
 21,3 Der vrouwen lob in vnfe wort·
 21,4 Ez was als [ich] han gehort
 21,5 Eín schuler in eíner ftat
 21,6 D̄ durch kvft zvr schule trat
 21,7 als noch hute maníger tut

21,8 Mit gerete was er wol behut
21,9 Man schuf im meister vñ buch
21,10 Do gab im steter vnruch
21,11 Herten mut· stvmpfen sîn
21,12 Die tage· daz iar giengen hîn
21,13 Vergezzenheit mît im bleib
21,14 Swaz der meister in getreib
21,15 Mit scharfen wortē vñ mît slegen
21,16 Diz konde nîcht in in gelegen
21,17 Der wîsheit ein gelucke
21,18 Vñ sînen blozen rucke
21,19 Dicke vñ dicke er in fluc
21,20 Daz doch nîcht vor truc
21,21 Vñ tiefen sîn im gebe
21,22 Sîne kvnft was vngehebe
21,23 Vñ an schonen wîtzen kalt
21,24 Sus wuchs von im ein ribalt
21,25 Vñ ein tumber betschelîer
21,26 Er was an allen dînge zier
21,27 Swaz uf der werlde leben trat
21,28 Idoch hete er im vor gefat
21,29 Einer tugende beiac
21,30 Der er hete manigen tac
21,31 Gepflogen an gewonheit
21,32 Dar an sîn wille was zv spreit
21,33 Vñ weich im nîchtes hînder
21,34 Svmer vñ wînder
21,35 Zv velde er alle tage lief
21,36 als sîne gewonheit im rief
21,37 Da er blvmen vnde gras
21,38 an einen crantz immer las
21,39 als er nîcht blvmē konde haben
21,40 So durch fuchte er die graben
21,41 Vntz er icht grvnes da vant
21,42 Was di erde geblant
21,43 Mit sne in wînter zîten
21,44 So gienc er an di lîten
21,45 Vñ schar den sne hîn zv tal
21,46 Er durch fuchtez uber al
21,47 Hi tiefen grūt· da hoen berc
21,48 Vntz er volbrachte ie sîn werc
21,49 Vñ gefamte ie so vil
21,50 Daz er gemachte ei schepil
21,51 Grvne vñ dem gevilde
21,52 So gienc er zeinem bilde
21,53 Gefnîten vñ gehouwen
21,54 Nach vnser lieben vrouwen
21,55 Vñ fatzte ir uf dîsen crantz

21,56 an fulchē willen bleib er gantz
 21,57 ane fvmens vnderbrich
 21,58 “Vrouwe” sprach er· “fit daz ich
 21,59 Nicht vil gutes me v̇mac
 21,60 So la dir ieglichen tac
 21,61 Dīz von mīr ein dienst wesen”
 21,62 alfus pflac er blvmē lefen
 21,63 Oder bletere vor die blvmen
 21,64 Swi er mīt fvnden vlvmen
 21,65 Gewonlich ander fache treib
 21,66 Dīz vil ftete bi im bleib
 21,67 Daz er ie gab der vrouwen fīn
 21,68 alle tage ein crenzelīn
 21,69 Nicht werkes im daz vn̄nam
 21,70 nv vugete sichz daz im quam
 21,71 anz herze ein genaden ftoz
 21,72 In dem der werlde in v̇droz
 21,73 Di im fwachte fīn leben
 21,74 Zv mvnchen wolder sich begeben
 21,75 Ob er di ftate mochte haben
 21,76 als des heten wol entfāben
 21,77 Die vrunt v̄n die mage
 21,78 Svnder alle wider lage·
 21,79 Stercten sie im den fīn
 21,80 Druf· v̄n hulfen vlizeclīch im hin
 21,81 Vntz er zv grawē mvnchen quam
 21,82 Do er di regele an sich genam
 21,83 Do lebete er als die andern
 21,84 Mīt in begonde er wandern
 21,85 Vntz im· geliebete daz leben
 21,86 Swaz im genade wart gegeben
 21,87 Di karte si v̄f daz beſte
 21,88 Er was darinne veſte
 21,89 Vntz dar nach einen tac
 21,90 Do er fīnes gebetes pflac
 21,91 Des in ouch nicht bevilde
 21,92 Do fach er dort ein bilde
 21,93 Nach vn̄fer lieben vrouwen ſtan
 21,94 Mit leide er trachten began
 21,95 Wi er etefwenne v̄f las
 21,96 Die ſchepil die er ſchuldic was
 21,97 V̄n nv dv̄rch den orden
 21,98 Ein lūgener was worden
 21,99 “Owe” sprach er “herre got”
 21,100 Nach fīnes iamers gebot
 21,101 Heīmlich er vor den alter gie
 21,102 V̄n viel v̄f fīne blozen knie
 21,103 Des h̄zen vlut zvn ougen vloz

21,104 Di im die wangen begoz
 21,105 Mildeclich hin zv tal
 21,106 Vñ di bruft vber al
 21,107 Di im von zeheren beran
 21,108 Dirre trurige man
 21,109 Sufzte· vñ leit vngemach
 21,110 Zv vnfer vrouwen er do fprach
 21,111 “O maria vrouwe gut
 21,112 Nv ift mir fo befwert ð mut
 21,113 Kvmen dvrch den orden
 21,114 Eya waz bin ich worden
 21,115 als ich von rechte nv wol clage
 21,116 Daz ich dir von tage zv tage
 21,117 Min loben nicht gehalten mac
 21,118 als ich hi bevor pflac
 21,119 Daz ift nv vnerloubet
 21,120 Ich fehe· vrouwe din houbet
 21,121 alle tage fvnder crantz
 21,122 Diz machet mir vil manigē fchrantz
 21,123 an alle minem lebene
 21,124 Ich wanderte gar vnebene
 21,125 Des wil ich minen orden lan
 21,126 Vñ dem amte bi geftan
 21,127 Daz ich dir crenzel mache”
 21,128 Nv was bi dirre fache
 21,129 Ein alt mvnch fo nahē kvmen
 21,130 Daz er hete ein teil vñvmen
 21,131 Wi dirre iunge weinte
 21,132 Waz er aber meinte
 21,133 Daz lac im noch verborgen
 21,134 Er was in grozen forgen
 21,135 Vñ vorchte im argete daz leben
 21,136 Er zoch ein teil in beneben
 21,137 In einen winkel· vñ fprach
 21,138 “Lieber fvn welch vngemach
 21,139 Hat betrubet dinen mvt
 21,140 Wand ich fach der ougen vlut
 21,141 So vollic von dir vliezen”
 21,142 “Konde ich fin icht geniezen
 21,143 an trofte·” fprach er· “fo wolde ich
 21,144 Sin gerne hi bewifen dich
 21,145 Waz mich von vreuden fcheidet
 21,146 Vñ mir den orden leidet
 21,147 Dar an min hze ift uf erfword
 21,148 Doch wene ich ez fi gar vlorn
 21,149 Ob ich ez fage· des la mich gan”
 21,150 “Sagan liebez kint fagan”
 21,151 Sprach zv im der alde man

21,152 “Wand ich dir wol geraten kan
 21,153 Mit gote an wifer lere”
 21,154 Der iunge weínte fere
 21,155 “Owe” sprach er “vater mín
 21,156 Ich wil nach dem willen dín
 21,157 Dir fagen waz mích irret
 21,158 Vñ von dem orden vírret
 21,159 Ich was zvr werlde valsch gnvc
 21,160 In der mín tvmpheit mich v̇truc
 21,161 Daz ich tet weníc gutes
 21,162 Doch was ich fulches mvtes
 21,163 Daz ich uf ieglichen tac
 21,164 Eín grune sċhepil machen ṗflac
 21,165 Von bovmē oder von bovmbaten
 21,166 So di ir zít nícht enhaten
 21,167 So fuchte ich crut oder gras
 21,168 an der gewonheit ich was
 21,169 als mír wol was erloubet
 21,170 Vf vnfer vrouwen houbet
 21,171 Wolde ich daz ímmer haben ftan
 21,172 Des widerstvt mír níeman
 21,173 E· ich queme in den orden
 21,174 Sit ich nv mvnch bín worden
 21,175 So hat di regele mír benvmen
 21,176 Daz ich dar an nicht mac bekvmen
 21,177 Vñ daz crentzel breche
 21,178 Vurwar ich nv wol spreche
 21,179 Daz mír der orden leiden mvz”
 21,180 “O· lieber fvn des wirt dir buz”
 21,181 Sprach er “nv vil drate
 21,182 Von mínem gewiffen rate
 21,183 Wiltu der wandels vrien
 21,184 Der kvnigín marien
 21,185 Tegelich ín edelen fachen
 21,186 Eín rofen crentzlín machen
 21,187 Vñ daz mít lobe zieren
 21,188 So faltu ez ordínieren
 21,189 Daz dv vber dín tage zit
 21,190 Di dir dín regele sprechen git
 21,191 Immer sprecheft ie dar na
 21,192 Vumfzíc auemaría
 21,193 Da míte íft daz sċhepil gantz
 21,194 Vñ wízze daz fi difen crantz
 21,195 Vor lilien vñ vor rofen nímt
 21,196 Wand ir v̇re baz gezímt”
 21,197 “Owe” sprach der iunge
 21,198 “Were ir di wandelvnge
 21,199 Lieb· daz wolde ich ímmer loben”

21,200 "Ia da wil ich wesen oben"
 21,201 Sprach der alde "mit eide
 21,202 Daz dir nicht zu leide
 21,203 Vmb daz gelubde geschicht
 21,204 Diwile man dich halden sicht
 21,205 Daz gebet· da von ich sage"
 21,206 Do liez von finer hten clage
 21,207 Der iunge· vñ gab ir ein zil
 21,208 Er machte ein nuwe schepil
 21,209 alle tage der vrien
 21,210 an vumfzic aue marien
 21,211 Hi mite im vil tugende quam
 21,212 an wilheit er zu nam
 21,213 Dar an in got wol stercte
 21,214 Der abt ouch an im mercte
 21,215 Daz er mit grozen vugen
 21,216 Wuchs an witzen clugen
 21,217 In den er wol sich halden pflic
 21,218 Dar nach vber manigen tac
 21,219 Wart er zu amte gefat
 21,220 Dar zu geschaffede in an trat
 21,221 Dvrch daz er mvste riten
 21,222 In fvmelichen ziten
 21,223 Da man in nvtzlich in wben sach
 21,224 Zeimal im des not geschach
 21,225 Do reit er zu vñ schuf
 21,226 Sines ordenes behuf
 21,227 Der wol nach willen gewart
 21,228 Do quam er in der wider vart
 21,229 Vf einen luftlichen plan
 21,230 Do sach er zu dem wege stan
 21,231 Wol dvrch wachsen einen walt
 21,232 Darinne was di luft kalt
 21,233 Swi ez doch heiz da vor was
 21,234 Beide blumen vñ gras
 21,235 Stvnt da in voller grute
 21,236 Erhaben an finer blvte
 21,237 Vor der heizen fvnnen
 21,238 Bewart vñ vngewunen
 21,239 Die bovme vñ ir este
 21,240 Heten sich wol veste
 21,241 Geladen mit den fvrerlaten
 21,242 Die waren dicke von ir blaten
 21,243 Bewachsen vñ bewallen
 21,244 Der cleinen vogelin schallen
 21,245 Darinne witen erclanc
 21,246 Dem mvnche wart ein luftic fwanc
 21,247 Des ruche zu dem walde

21,248 Da hín karte er sich balde
 21,249 Dvrch luft vñ dvrch fín gebet
 21,250 Daz er aldarínne ouch tet
 21,251 Mit harte grozer andacht
 21,252 In di gehugde wart im bracht
 21,253 Daz der vrouwen crenzelín
 21,254 Noch vngeprochen was gefín
 21,255 Daz hub er vrolichen an
 21,256 Nv waren nach dem guten man
 21,257 Zwene valfche man vil ftarc
 21,258 Geflichen dar· vf fín arc
 21,259 Durch des pferdes liebe
 21,260 Die valfchaften diebe
 21,261 Liez vnfer herre fchouwen
 21,262 Di aller fchonften vrouwen
 21,263 Di vleiflich ouge ie vñam
 21,264 Bi den mvnch di vrouwe quam
 21,265 In harte richem cleide
 21,266 Vz vnd innen beide
 21,267 Geworcht luter fydin
 21,268 Was der edel baldekin
 21,269 Vñ an der varwe himelvar
 21,270 Darínne ftvnden her vñ dar
 21,271 Blvmen alfam die fterne
 21,272 Sie fāhen harte gerne
 21,273 Di vrouwe· vñ vrolich gnvc
 21,274 an irem arme fi truc
 21,275 Einen fchonē reif von golde
 21,276 Dar uf fi fetzen wolde
 21,277 Blvmen· vñ ein fchepil haben
 21,278 als der mvnch hete entfāben
 21,279 Ein auemaria· vñ fprach
 21,280 Secht welch ein wūder da gefchach
 21,281 Wand ez wart zv einer rofen
 21,282 Mit griffen harte lofen
 21,283 Di vrouwe do begvnde
 21,284 Im brechen von dem mvnde
 21,285 Ein rofen nach der andern
 21,286 Ob er begonde wandern
 21,287 Wol vnderwilen von der ftat
 21,288 Di vrouwe im life nach trat
 21,289 Vñ warte wol der blvmen
 21,290 Di von des mannes gymen
 21,291 Wuchfen da nach dem gebete
 21,292 Immer als di vrouwe hete
 21,293 Gebrochen· vñ di rofe ergreif
 21,294 Si bant fi vm den golt reif
 21,295 Mit eime filber drate

21,296 Do ouch der mvnch hate
 21,297 Vumfzic aue gesprochen
 21,298 Do was fō vil gebrochen
 21,299 Der blvmē· daz der rofen crantz
 21,300 Was vollenkvmē· vñ gantz
 21,301 Den di edele vrouwe
 21,302 Zv der zweier anefchouwe
 21,303 Satzte uf ir houbt· diz gefchach
 21,304 Dar nach ir ieglicher fach
 21,305 Si vrolich fvnder leide
 21,306 Swingen vber di heide
 21,307 So hin vntz an ein dicke
 21,308 Da fi wart vz ir blicke
 21,309 Mit dem crantze benvmen
 21,310 Nv was di zit ouch wol kvmen
 21,311 Daz der mvnch folde
 21,312 Riten als er wolde
 21,313 Vñ er fin zit hi vollen sprach
 21,314 Vz dem pufche er sich do brach
 21,315 Da er e· was· vñ greif
 21,316 Mit dem vuze in den ftgereif
 21,317 als er uf wolde ftigen
 21,318 Do hub sich im ein crigen
 21,319 Zv im liefen iene man
 21,320 Vñ griffen ubellich in an
 21,321 “Stet her mvnch” sprach sie
 21,322 “Ir fult daz pfert vns lazen hie
 21,323 Wir wollen vch nicht morden
 21,324 Daran wir uuern orden
 21,325 Ein teil wollen eren
 21,326 Ir mvget von hinnen keren
 21,327 Gefvnt· fvnd valsch gezoc
 21,328 Lat ot hi den vber roc
 21,329 Daz pfert vñ ouch di cappen”
 21,330 “Eya” sprach er “edeln knappen
 21,331 Habet dvrrch got min schone
 21,332 Des er vch immer lone
 21,333 Wan ich bin cranc vñ darzv alt”
 21,334 Die zwene waren vf in balt
 21,335 “Gebet vn” sprach sie “zvphant
 21,336 Swaz wir haben e· benant
 21,337 Wand wir ez hinen wollen tragen
 21,338 Da bi fult ir vns ouch sagen
 21,339 Wer di vrouwe fi gewesen
 21,340 Di die rofen hat gelesen
 21,341 alhi von uuern mvnde
 21,342 Wir wollen haben kvnde
 21,343 Ob ez von goukelvure fi

21,344 Daz vch ist gewesen bi
 21,345 Ein fo vnmazen schone wib
 21,346 Ez get uch werlich an den lib
 21,347 Ir enfaget vns di warheit"
 21,348 Der mvnch fwur in manigen eit
 21,349 Mit finen worten veste
 21,350 Daz er nicht enweste
 21,351 Von der vrouwen vm ein har
 21,352 Er dachte beide her vnd dar
 21,353 Wa di rede wolde hin
 21,354 Idoch do sie berichten in
 21,355 Von vumfzic rofen die si brach
 21,356 Vn wi si ieglicher sach
 21,357 Da von ein crentzel machen
 21,358 Do marcte an difen sachen
 21,359 D mvnch waz dar an geschach
 21,360 "Ia werlich ia" er sprach
 21,361 "Ia vil lieben kindere min
 21,362 Di vrouwe fal gelobet sin
 21,363 Ich weiz wol waz iz meinet
 21,364 Got der hat hute erscheinert
 21,365 Daz er ist ein getruwer got
 21,366 Vn wil uch von der werlde spot
 21,367 Mit dem gesichte vuren"
 21,368 alus begonde er rvren
 21,369 Wi im zumersten was gegeben
 21,370 Ein vngeneme fvndec leben
 21,371 Vn wi er aldarinne pflac
 21,372 Daz er uf ieglichen tac
 21,373 Ein crentzlin finer vrouwe truc
 21,374 Wi daz dar nach vme fluc
 21,375 Daz er der wandels vrien
 21,376 Von vumfzic aue marien
 21,377 Brechte alle tage ein crentzelin
 21,378 "Secht" sprach er "lieben brude min
 21,379 Hute ist di vrouwe zv mir kvmē
 21,380 Vn hat ir crentzil genvmen
 21,381 Daz fahet ir vn ich nicht
 21,382 an der selben geschicht
 21,383 Sult ir offentlichen sehen
 21,384 Daz ez dvrch uch ist geschen
 21,385 Vn ir uch bezzern dar an fult"
 21,386 Mit vil grozer gedult
 21,387 Sprachen sie do beide
 21,388 "Owe der herten leide
 21,389 Daz wir ie zv fvnden
 21,390 Dvrc des tuvels schvnden
 21,391 So verre vieln vz gots gebote

21,392 Ey vñ mochte wir an gote
21,393 Noch genade vînden
21,394 Wir wolden gar erwînden
21,395 Von dem lafter lebene
21,396 Vñ vns vurwart ebene
21,397 In fîme gebote halden”
21,398 Secht do wart dem alden
21,399 Des hîzen vreude alfo groz
21,400 Daz im fîn antlitze ervloz
21,401 Zv tal von der ougen bach
21,402 “Ia vil lieben kînt” er sprach
21,403 “Secht des uf minen orden
21,404 Des bruder ich bîn worden
21,405 Vñ vf mînen hoften eît
21,406 Daz gotes barmherzekeit
21,407 In fîner grozen truwe
21,408 Vch nach gantzer ruwe
21,409 Harte willeclich entphet
21,410 Vnde in fîn riche kvmen let
21,411 Crift der vil gewere got
21,412 Dvrch des vater gebot
21,413 Truc des cruces burde
21,414 Vfdaz der fvnder wurde
21,415 Vri der ewigen laft
21,416 Des himels kvníc was hi gaft
21,417 Ð vreuden cleit was hi bloz
21,418 Des in nichtefnicht vdroz
21,419 Dvrch den fvndigen man
21,420 Daz er ot wider wolle gan
21,421 Zv gote an tugentlicher art
21,422 Vil wol ich an mîr han gelart
21,423 Di fîne barmherzekeit
21,424 Wand mîn hîze ouch vñeît
21,425 Maniger fvnden vnvlat
21,426 Nv hat der gute gotes rat
21,427 [V]ñ di helfe mîner vrouwen
21,428 als ir wol mvget schouwen
21,429 Mich ein teil dar vz gezogen
21,430 Er hat fîn vil vntz her gepflogen
21,431 als er wil hute an uch pflegen
21,432 Gut wider ubel wegen
21,433 Kert ot balde uvern fîn
21,434 Mit der rechten ruwe an in
21,435 Daz ift im groz eîn ere”
21,436 Dvrch di guten lere
21,437 Vñ dvrch daz vremde zeichen
21,438 Begonde fîch erweichen
21,439 Ir hertez gemvte

21,440 In einvaldiger gute
21,441 Wart ir herze beweít
21,442 Darinne gotes genade fneít
21,443 an ruwe di was fo groz
21,444 Daz fi zvn ougen vz vloz
21,445 In alfulchen geberden
21,446 Vieln fie zvr erden
21,447 Langes vor den guten man
21,448 Vñ riefen gutlich ín an
21,449 Mit harte clegelicher dol
21,450 “Eya vater tu fo wol
21,451 Sit dich got vns hat gefant
21,452 Mache vns den rechten wec erkant
21,453 Den wol wir gerne ímmer treten”
21,454 Zwar des wart er lichte erbeten
21,455 Wand er fie lieplich vf nam
21,456 Vñ mit ín zv cloftere quam
21,457 Da mvnchten fie sich beide
21,458 In ruwiger leíde
21,459 Vmb die alden miffetríte
21,460 Bleib vil tugenthaft ir fite
21,461 Wand fie wol hielden gots gebot
21,462 Secht díz worchte vnfer hñre got
21,463 Dvrch der vrouwen crentzelín
21,464 Des fi gelobet di kvnígín